

奉新縣志卷十一

藝文志

書目

夫言之無文行之不遠傳稱不朽其次立言著作之才繇來尙已軒黃以降墳索斯繁登高作賦則家擅驪珠閉戶著書則人爭鼠璞奉新溯自唐宋代有傳人齊騫金罍並馳玉軼懷文抱質份份如也昔班孟堅始志藝文厘記作者及篇目而已雖司馬淵雲之詞賦祇見本傳志弗詳焉至隋唐書志經籍宋史志藝文體例並同相承不改舊志藝文篇汨臚前輩詩文求之古義未知所據今悉倣依班志於諸家纂述具載書目撰人名氏又倣晁氏讀書志陳

氏書錄解題之例稍採名流序論之詞以備藝文篇云

唐

鶴鶴集五卷

崇文館校書郎劉春虛撰今存詩十四首

苦語奇忽有所得便驚眾聽頃東南高唱者數人然聲律婉態無出其右惟氣骨不逮諸公自承明以還可傑立江表情其不永天年損碎國寶

南唐

宗孟集

羅靖仁節撰

宋

生還錄一卷 西山老人文集二十四卷

兵部尚書胡直

覲西山老人文集序宋與文章猶襲五代之弊自歐陽文忠公起江右尊明道循於斯文將隆之餘天下靡然從之

一洗老生常譚腐儒俗學之陋居亡何臨川王文公亦為曾公先後繼出懷寶含章待唱而發如雲從龍如水赴壑如夫呂之協黃鍾氣相薄莫較高下一代之彌文郁乎不可尚已元祐中陳章黃魯直獨以詩名當是時江右之學詩皆宗黃氏逮靖康建炎間魯直之甥徐師川三熱駒父玉父皆以詩進人居從官大臣之列時學士大夫而慕作為西江詩派如佛氏傳心錄次甲乙繪而為圖凡挂一名其中有榮耀焉故尚書胡公直孺字少汲少工於詩出語驚人魯直一見擊節嘆賞指示佳處連數十語表而出之今刻石在焉然公之學不專於詩他文皆稱是筆力雄贍操紙立就所為賦頌表啟記序銘贊之屬蓋數萬言如行雲流水自然成文不見刀尺紹興初以刑部尚書侍講讀禁中推原道德之旨論古人成敗之迹陳今世時務之要議論卓然中上意一日上所御白團扇書文物多師古朝廷半老儒十字以賜示將大用而公一夕得疾遂不起公沒後二十四年公之中子右宣教郎通判虔州括集公詩為一帙四卷以書抵靴友孫觀曰先君與公同朝為侍從且厚善願有言也余嘗論三鉅公相繼出江右為世大宗師其外有二劉三孔王文公之長子元澤曾南豐之弟子開與鄧聖求李泰伯皆以鴻儒碩學相望三四州

不數百里之間今胡公又出而與諸作者並江西人物於是為盛 按此下有闕文

王師孟文集 梁州錄事參軍士從言師孟撰

適齋類稿八卷詞一卷 知石首縣袁去華宜卿撰去華善為歌詞嘗登長沙定王臺賦水湖

歌頭見稱於張孝祥云

鄒應可詩集 進士鄒定應可撰楊萬里嘗稱定詩上湖山谷以入少陵戶牖云

尚書要義 當世急務 湖北利害 漢唐治安龜鑑

宋名臣奏議 知大安軍胡价仲藩撰

平淡集 靖江府通判余炎午光伯撰

藍溪集 王度武臣撰張孝祥序

袁伯堅集 袁銓伯堅撰

水壑集 袁太初幼立撰

江湖吟 劉价仲博撰

來溪詩集 易昭明來溪撰

四書箋義 五經辨語 宗室子趙德撰

禹貢圖記 王應香撰

元

韻府羣玉二十卷

欽定

四庫全書提要韻府羣玉二十卷紀昀家本宋陰時夫撰其

弟中夫注按黃虞稷千頃堂書目云陰幼遇一作陰時遇字時夫奉新人數世同居登宋寶祐九經科入元不仕其兄中夫名幼達據此則時夫乃幼遇之字而中夫又時夫之兄與世所傳不同當必有據然舊刻皆題其字未詳何義也昔顏真卿編韻海鏡源為以韻隸事之祖然其書不

傳南宋人類書至多亦罕踵其類惟吳澄危言集有張壽翁事類擷英序稱荆國東坡山谷始以用韻奇險為工蓋其有中蟠萬卷書隨取隨有儻記誦之博不及前賢則不能免於檢閱於是乎有詩韻等書然其中往往陳腐云云是押韻之書盛於元初時夫是編蓋即作於是時康熙中河間知府徐可先之妾謝瑛又取其書重輯之名增刪韻玉定本今書肆所刊皆瑛收本此本為大德中刊板猶時夫原書也明成祖頗喜其書故解縉大庖西封事稱陛下好觀韻府雜書鈔輯穢蕪畧無文采曹安謫言長語亦曰韻府琴玉亦收之博矣其甲正要緊者滿之如足字欠管寧濯足桐字欠青溪桐蘇峻攻青溪桐下壺拒之高頴殺張麗華於青溪桐二字尚失之他可知也云云今以文韻府考之陰氏之所漏豈止於是安之所舉如一葉一花偶然掇拾未觀夫郊林之茂蔚也然元代押韻之書今皆不傳傳者以此書為最古又今韻稱劉淵所併而淵書亦不傳世所通行之韻亦即從此書錄出是韻府詩韻皆以為大輅之權輪將有其末必舉其本此書亦曷可竟斥與按明史解縉大庖西封事蓋上太祖者提要成祖字疑誤陰竹埜韻府琴玉序韻據事象矣同乎纂於史宗於詩林若樵之海若漁之名不同事不同也用得同乎匪

欽定佩

偏則泛匪泛則畧詎不為觀者病一日登書樓李子恭凡萬箴問之曰幸父兄與歲月暇得恣獵羣籍遇忻然意會處筆之將繫於韻摘其意而會諸同也噫嘻小子敢狂簡與人推讀書難讀而能精鑿博采著為書尤難爾犯其所難何居子始規進取習舉子業自講明性命義理外視餘皆若不必為海屋添籌時對人間事無虛日則又不暇為賢雪益深眼目而晦則遂不可為矣方今聖朝寬厚吾道優崇上將由科目舉正輩思稽古之日爾小子欲為所未及為吾志也然作器者必有規矩陶器者必有模範著書立言何獨不然爰授以凡例俾勉為之垂三十載告成予方披閱問有客過竹所見而獎許之過情請名曰韻府羣玉予初難之曰謂是書若瑤璋璜璧可寶與抑謂所集事猶瑤璋璜璧與書以事實斯名其可客又曰文公器也私諸已不若公諸人初論衡以為異者未廣也請繡諸梓予益難之益曰不邪侯萬軸胸不世南祕書詎不起管窺蠡測之請予固謂其藜牀三十秋功苦寸積自成一家書於後進或有毫髮助瓊瑜之瑕可匿也吾懼槐市陰成十目所視人皆指而議之曰此有所謬彼有所遺是殆宋愚燕耳子之說近於譽人之說近於詆詆不必辨譽不必矜安知譽之非美疾詆之非藥石乎子曰可人曰不可吾固不

可子之可亦不可不可人之不可不可不必以質諸當
 世之司文衡者猶是抱璞而質諸下也和謂之可則可
 客曰唯大德丁未春前進士竹莖倦翁八十四歲書於聚
 德樓陰復春序鄒子籍稱博古者猶莫詰於瑯琊字不
 題糕能詩者或未稽於棧餌探討之難如此故凡事必類
 則易見義必擇則易知也予季以事繫績多所摘奇豈皆
 能判然無疑者疑而不釋是猶撻垣冥行而已若龍斷本
 如字而或切為丁貫夏屋本食粗而或用為巨室春牘春
 雅於禁醜盤脾折凍漿之類皆載諸經而初學講明或未
 到至有讀鶴街三鱸之鱸為鴛蕭何主進之進為臆桐馬
 則謂桐馬款乃則謂襖藹襲舛承譏鮮克辨正又如撲滿
 須提襖裂孟青窠數剛卯桑鷲鐵嶺魚丁虎乙鼠姑鴉舅
 一經三雅成削萃蔡紛衍龍茸沈滄晶屬金使姑玉連瑣
 等字不可殫述此前輩常用而不知者誦以為怪嗟乎
 文固不必怪也然班馬等賦所以使人鬼眼頰耳正由時
 出奇字有以視復之方今文體尚古吾黨之士獨不願薰
 香班馬與愚故隨字註釋以備觀覽庶乎索韻而得事考
 釋而無疑其亦有小補云延祐改元甲寅秋鄉試後五日
 幼達書陰勁弦序是編敬迓先子凡例纂集幸緒於成
 繼得二三同志者相與警校其是否而損益之書成而失

怙痛哉謹奉遺訓質証於儒林巨擘爰錄諸梓用廣其
 編讀會雖不詳於紀事然非包羅古今者不及此而
 聽聰紳等字况時遇嚴錄其才喪天其見豈無遺
 歎其間雖電謬呼金根亥改亦或不免與人為善者遺則
 續之誤則正之以便初學幸甚時遇謹白 滕賓序自乾
 坤相交而成八卦滲摩剛柔以極於萬有一千五百二十
 之數蓋字生於聲聲生於氣其為無窮之字則皆四聲二
 氣之離合四象八卦之雜糅耳然雖無窮也至於四聲韻
 出而字亦窮矣非字窮也困於萬有一千五百二十之數
 者窮也吾友陰君昆仲為韻府羣玉以事繫韻以韻摘事
 經史子傳蒐獵靡遺是又能以有窮之韻而寄無窮之事
 亦大奇矣使事非奇則何以言韻府而所府豈能皆玉哉
 吾嘗慨然宇宙之事常新而無窮雖皆圓於數亦必有理
 而後寓於文章者有根極人人知積玉以自矜其多瑩者
 瑛者瓊者瞻者山元者水蒼者而如截肪者非不富且麗
 也然君子比德於玉則玉豈在多耶叩之而其聲清越以
 長必有妙於所擇者矣蓋以有窮之韻而寄無窮之音者
 吾黨之所以善鳴玉也不然崑山之玉可以抵鵠用者反
 以多自病耳陰君二妙博洽而文其所著述不獨此 姚

雲序四聲韻出而小學湮矣其音聲反切清濁輕重之測通乎陰陽律呂之變天地萬物之終始者於道德性命之懿亦或有功也至唐宋監部之所刊定則主於詞章之靡矣於是雕蟲之子角雌兔之細兔宴之賞擅雞場之傳帖括富於連珠剝綴於碎金則昔淫傳癖之響幾絕今陰氏兄弟研精鉤元探韻繫事蒐獵羣策攻別奇僻牛渚岸然幽怪靡遺靈山家發珍貝自獻吾懼未學之日始也羅梅屋與重光子遇角花月一字之響登大清樓而問長磨諸人扣銅刻佛交臂之譚辨豈不快哉昔人有玉池日浴衆寶出之又有遇真人授玉象如生者羣玉樓有此乎吾嘗與子為池祿不覆醴以發新瑩且以象姑鎮此府尚日幾某生玉子也至庚戌臘序

明

懸叟稿一卷

國子監司業顯通撰

居鄴雜錄

雲湖遺稿

林州知州周鑑仲倫撰

夢虹奏議二卷

周易口義六卷

御史鄧顯麒文瑞撰

欽定四庫全書提要夢虹奏議二卷明鄧顯麒撰顯麒字文瑞奉新人夢虹其號也正德甲戌進士授行人司副時諸臣共諫南巡其疏稿為顯麒所擬故再予廷杖謫國子監學正嘉靖初擢監察御史是集為其子夷惠所編凡三十一篇

有嘉靖甲寅李楨序後信板漫漶其裔孫繼又重刊之前有凡例稱以事之大小時之先後改易舊次考顯麒以正德時諫疏得名其嘉靖講學疏不過循例陳言體同策論而此本乃列諫疏於講學疏後蓋明人以講學為至榮故視為第一大事取以冠編而不計其年月顛倒也卷首載一統志顯麒傳稱其幼歲曉陳萬言及論蔚州買木二事乃無其疏殆原稿散佚與

陽溪類稿六卷

舉人徐燦文華撰

欽定四庫全書提要徐陽溪集六卷明徐燦撰燦字文華後更字本充號陽溪奉新人嘉靖丁酉舉人嘗館於嚴嵩家一日

嵩與朝官宴方獻醇客皆跪受爵燦遂慨然辭歸蓋亦知幾之士較賢於張翥平生喜講良知之學故其文皆質俚

詩亦類擊壤集派

怡雲堂集十卷 吏部尚書蔡國珍汝聘撰

欽定

四庫全書提要怡雲堂集十卷明蔡國珍撰國珍字汝聘奉
新人嘉靖丙辰進士謚恭靖事蹟具明史本傳是集乃其
從曾孫尚才所編凡詩四卷文六卷詩皆近體尚才序謂
從敗篋中得其歸田後所作詩一帙分類編次蓋非其全
稿也卷四後附其子若孫之詩卷五卷六乃國珍所作奏
疏後記諸文卷七卷八附以勅命墓表及壽文祭文卷九
又為國珍所作書啟小詞卷十又附刻他人書啟編次殊
為無緒且詩實四卷而序云二卷尤為不檢矣

天工開物 畫音歸正 危言十種 庚州知州宋應星長

方玉堂集 廣州府知府宋應星元孔撰 趙士錦方玉堂

集序南州元孔宋公佐高涼之二年出所製方
玉堂集示余余得盟手披讀未竟而不覺喟然嘆曰嗟
乎世所稱文章吏事千古為一今則截然二矣目不睹金
匱石室之藏口不吐天孫雲錦之文而第獵取青紫箱章
佩綬揚揚自如跡其吏事甚至苞苴公行濕束橫肆按厥

所由豈不如升之蛙禪之蝨與闕床之蟻日暖暖姝姝而
不識古今聖賢為何如人讀書談道為何等事且或有無
學而襲其文者則又如彫脂鏤冰卒成何用公自令桐鄉
再遷南恩所至著廉幹聲而擢佐高涼也余幸備員為屬
得把公之儀度真如修竹高梧鸞停鶴峙披雲霧而對玉
山期月之內美政不能更僕數而其大者如巡海而波不
驚算舟而囊無利凡四方游客至者俱人人欣獲所歸而
寸長片善錄之弗置大率醞釀於經籍者潛學海之源結
同流之契故身無俗韻口無俗言見之施行者政絕無紕
漏宋先正之言曰語麗詞瞻此應世之文也識高志遠議
論卓絕此名世之文也編之於詩書而不愧質之於天地
而不疑則傳世之文也若公之鑄秦漢而為典琢漢唐而
為華以吏事若彼以文章若此即謂是集為公之政譜可
也而何得勿傳乃公之自敘猶以力不能與命爭若愧何
於天之報公未盡者而余敢為公言之古之文工莫如相
如子雲與柳宗元等而負賞當犢鼻之墟劇秦校草元之
閣黨任文而鼠鉅錡之潭不令人掩面邪又古之名如
漢之元禮唐之贊皇宋之程蘇兩家而龍門之禍與仙舟
俱沈白馬之血與濁流俱枉死市之歌哭與海南之瘴雨
蠻烟俱慘又不令人短氣邪若公之縱心博洽馳驟詞場

傲市草而愈風句纔落而瓠錦使海內盡仰如景星慶雲而時事多艱值聖天子撫髀側席即公輔鹽梅又豈足為公限傲之相如元禮輩其遇與不遇又何如也不可謂非天之厚公至也惟水底烟餘僅存什一豈造物猶祕之而不欲其盡傳者是乃公之所以盡傳也 按應昇未嘗令桐序中桐鄉字疑誤

劉幼成詩集一卷 學庸臆解一卷 清河訓導劉履祥幼成撰

四書口義 五經箋註 黃奎省齋撰 按府志口義作者

黃本誠文集四卷 黃德明本誠撰

余芸齋集古詩四卷 余秉芳宗正撰

醉禪詩集 翠屏藏稿 諸生廖象春儀生撰

醉烟館詩集 古文正誤 諸生徐大銓東之撰

燕林藏稿十卷 楚風一卷 內傳二卷 八識規矩會

註 燕林寤語仙藏三種 諸生余紹蘭荷叔撰 萬時華

遜傳之三代而下士固多以窮著明以布衣諸生名者孫太初徐文長謝茂秦盧次樞最著孫簡傲一切或云秦王孫終不知何許人謝故能詩遊於王李間附驥驥以顯易奇耳徐虛二生淋漓鼓吹卒被刑戮後即用宿昔名高自免掛冠而膏煎亦已奇矣詩能窮人窮不奇則文不奇文不奇則人亦不奇無亦昌黎所稱窮苦之言易好邪余猶叔新吳隱者也少負奇為諸生久不偶雖為諸生心常厭諸生向逮事章文德先生窮問學之要又常久客長沙蒼梧間洞庭木下未嘗不賦鵬哀屈而嗟其功名之不終作楚風廣其意亦足悲矣戊午去諸生即入新吳不出令子小築郊外五岳之遊不出州里雖同室婦孺無識其面者嗟乎倚叔豈無所得而涯涘者邪予問書請荷叔神仙之事非世大得意人即大失意人秦皇漢武尊為帝王富貴已極而褻裳之志乃在三山子房長源赤松黃冠善功名於鳥盡弓藏之際耳無已紫芝商山丹砂响嚶彼亦坎壈仄逼深山窮嶼自命放為何荷叔而故令若是荷叔受之不報予知其所得已深矣荷叔游意人外久不偶於諸生

天固不欲其僅諸生以顯即視猗叔於向三四君子詩若
文元樸似太初久不偶為諸生類文長乃不欲類其晬晚
狂率之致復不欲如茂秦游公卿間任俠自喜夫猗叔雖
貧諸生琴書幸無恙亦何至如徐盧兩生明夷之難天固
優之矣或曰猗叔元尚既渺方聽雞犬於青天白雲之間
何復以文人之業流被人間為夫書契代盛丹文蕊冊固
與車錄冢書同流天壤則猗叔之言雖與貞白海瓊並不
朽人間可也函谷五千言固猶老氏之餘焉爾

野航詩集一卷

廖楫濟用撰

箋臆二卷

閔奎爾鍾撰

牧山後稿

地理選玉

明經黃梁廷鎮撰

雙川類稿六卷

皇明通紀四卷

宜城訓導黃卷撰

醒世微言

諸生鄧文會明初撰

寄愁居詩文集

鳧鳴雜錄

舉人彭搏六息撰

蠡測集一卷

余同紀撰

國朝

竹疆園詩文集

陽襟文集

讀史偶論

見聞輯畧

六經叅契

舉人涂日章大章撰

涂定生詩文集

舉人涂士達定生撰

慶雲閣集

安山堂集

大寧知縣王維藩价子撰

圃而園集一卷

越吟草一卷

淇園草一卷

燕吟草

一卷 寤言詩一卷

龍泉書院新編二卷

舉人帥承發周長撰圖而

園集本名墨瀾亭集 王維藩墨瀾亭集序墨瀾亭詩帥
周長所著先是其子備皆詩已刻墨瀾亭茲仍其名志一
地也雖然其以亭名詩蓋將以詩名亭乎鍾伯敬云詩清
物也其體好逸勞則否其地喜淨穢則否其境取幽雜則

否其味宜濃淡則否其手眼貴曠拘則否之數者惟墨欄亭庶幾焉周長歌鹿鳴十八年寒暑一園不聞戶外事備皆定省即在函丈晨夕不少離讀書問業之暇每有所思鶴鳴子和園林之趣風雅之樂一時風聲籍籍起喬梓間而周長自是益肅然也控名用晦虛心直躬落落不與世近而所處益約凡憂愁無方坎珂僚侗一切不平之感皆形於詩而其嗜古寡營委蛇時命一種夷猶不可奪之致亦備見於詩故其詩沈鬱不阿翛然間遠人不可得而親疎亦莫能駁為之名狀蓋其至性所動不顧世眼不羨古人即諸體中有得乎晉魏之風骨唐人之秀麗者而周長亦不自知獨以其幽潔不羣之氣與園林酬酢於鳥歌花笑之餘此墨欄亭之詩所以成也然則墨欄亭雨刻其詩同乎昔杜少陵子宗武呈詩阮兵曹兵曹答以斧一具欲斷其手不然天下詩名又在杜家少陵示宗武詩亦云自從都邑語已伴老夫名則宗武之詩可知也然未聞於少陵之草堂懷西公安外別署門戶則詩之同不同可知也今博菴先生序備皆謂駸駸大家千秋在手則周長視此益可知但以宗武視備皆安得獨有墨欄亭乎古云源長者流大茲刻也亦猶祭川之義云

冶庵文集 醫簡脈變 本草詳節 舉人閔鉞曾公撰

安我編 明經涂士鳳子威撰

自怡堂詩文稿 送貢餘備魯士撰

白雲樓詩集 明經韓連昌得全撰

經義解十六卷 史論八卷 舉人帥士元于孫撰

家課詩文集 明經甘大霖嗣悅撰

兼勝堂詩文集 粵遊草 居燕草 舉人陳言吉文在撰

我村詩文集 經義百篇 檢討張懋能職在撰

壺齋文集二卷 舉人宋三汝魯津撰

岐山語錄二卷 三餘詩草 新泰縣知縣甘顯祖撰

甘莊恪公全集十六卷

吏部尚書甘汝來耕道撰 沈德

說蘇許公頌為大手筆如崔文貞祐甫陸宣公費權文公
德輿李衛公德裕諸公並以著述顯名當代莫不知之數
人之見重於文苑者由盛德大業發而為文故其文足以
光昭日月人無異辭若第曰文焉而王楊盧駱之徒誰非
能文而其文不得與燕許以下諸公並埒知文之所重惟
其人而不惟其辭也吾師大家宰甘公其以德業為文者
與起家江右以名進士作宰於晉銓曹守邊郡推監司外
界封疆內陟卿丞未幾即授中樞簡任冢宰綜前後計之
不二十年人第重公得君之望位望之高勳伐之盛為當
代鉅人而抑知公之所由然者本於同人之中正大有之
剛健洪範之攸好德而然則德業並隆固為
熙朝所罕儼者也且夫為大臣者豈少藉文辭見稱於天下
哉然源深者流長根植者葉茂讀公奏疏劄子則經國保
邦之功備焉讀公條綱告諭則化民成俗之機裕焉論議
以闡道德之正策問以篤濟世之方其他箴銘記序傳贊
碑版皆有關於學問之深醇心術之純粹與夫人品事功
之可傳而可久即至作賦詠歌詩柄馬與古人同風而不
止見長於體物瀏亮絳情綺心之例即不必規矩焉求同

於燕許以下諸公而理足體高辭文旨遠實有異代同符
者此豈雕文纂組從事於聲華格律之間者所能等量齊
觀也耶已未春闈潛出公之門謁公邸寓諄切勸教於立
身行已事君出政諸大端語不必繁而理足義該令聞者
發蒙振聵方幸登龍門侍杖履儕於荀侯之徒而哲人遽
亡仰放安從天下悅惜公之未竟其用嗚呼其亦可慨也
已歲已巳長君主政君出公遺集見示命潛草序潛之不
文烏足序公之集然既得大賢而師之因得援門人序師
文之例如李漢為昌黎作序挂名簡末有遺榮焉且使天
下讀公集者如與燕許以下諸公揖讓遊涿知古今所重
不惟其辭而惟其人也

墨澗亭初集二卷

簡齋詩文集八卷

帥子古詩選四

卷 古文選八卷

欽定

四庫全書提要墨澗亭集無卷數

國朝帥我撰我字備皆號簡齋奉新人康熙辛卯舉人江西
古文自艾南英倡於前魏禧等和於後踵而起者雖所造
淺深不同而大都循循有舊法是集亦其一也舊刊板於

南昌所載未備雍正乙卯其子念祖屬徐廷槐取已刻未刻諸藁裒為此本凡百四十篇

敬亭文集十二卷 舉人帥威遠在寬撰

北轅錄 峽江教諭張星仁為之撰

雲峰樵逸詩集一卷 諸生李飛鵬雲翼撰

梭山草堂詩集 尺五樓近草 梭山農譜三卷

欽定四庫全書提要梭山農譜三卷

國朝劉應棠撰應棠字又許奉新人梭山其所居也其書分耕耘獲詳其器與事而每條綴以贊詞每卷又各有小序多借題抒憤不盡切於農事也

邁吟草 嘯巖詩集 諸生李時應翼龍撰

雙溪園詩文集二卷 諸生蔡若桂小山撰

樸園焚餘草一卷 諸生劉甲華次實撰

漁墩詩集 問竹堂詩法 清松雪青撰

胡天益文集 舉人胡世謙天益撰

雪胎文集 滄螺詩草 萬安教諭徐啟運方應撰

介亭文集 嗜退山房詩草 尺木軒詩文續集

欽定四庫全書提要嗜退山房稿五卷

國朝帥仍祖撰仍祖字宗道號介亭山人奉新人是集乃仍祖自編其康熙癸巳甲午二年所作凡詩二卷文三卷

樹人堂集七卷

欽定四庫全書提要樹人堂詩七卷

國朝帥念祖撰念祖字宗德號蘭皋奉新人雍正癸卯進士官至陝西布政使緣事論戾事臺沒於塞外是集前有吳焯序稱念祖塞上所作有多傳吟今未見此七卷則念祖官陝西時所自編也念祖以時文鳴一時務以幽澗之思擺脫陳因其詩亦清刻不俗但平生精力盡於八比徒以

餘力爲之未能自成一隊耳

千文衲被一百卷 仙庵詩文集十卷 長寧訓導廖夢庚景白撰

謹身錄 天籟錄 諸生涂泰來六在撰

湖山吟一卷 諸生曹恒生景升撰

春草堂詩集 謝大業靜公撰

四書彙解增刪 諸生王懋簡迪公撰

四書擴解 字彙實義 諸生甘汝舟葦伯撰

讀易管窺 王士鴻登瀛撰

離騷講義 治騷堂詩文集 鄒謙吉六皆撰治騷堂詩帥仍祖序

南溪詩鈔 鄒隆遠超然撰

治心錄一卷 鄒廷芳六御撰

三禮考 辨 郎中彭肇祚基萬撰

志古堂遺草一卷 諸生潛振遠希聲撰

志古齋詩文集 一家言 松石近草 劉貢潛修松石撰

寶硯堂遺稿八卷 潛修松石及其子兆穀元山兆稷蘇叔孫文暉寅白撰

胎民詩鈔 諸生蔡之梅秩斯撰

宜雪廊詩集 燕秦遊草 焚餘小草 譚敘知縣帥繩祖宗業撰

卧雲軒詩集八卷 玉山教諭蔡尚才璜業撰

周易厄說推義 愛廬詩集 兵部主事甘禾周書撰

陳奇上詩文集一卷 舉人陳遇奇上撰

四書大全圖考合編 詩傳辨體圖考合編 楚雄府知府趙開元希輅撰

三十乘書樓詩集十二卷

欽定四庫全書提要卓山詩集十二卷

國朝帥家相撰家相字伯子奉新人乾隆丁巳進士官至潯州知府是集又名三十乘書樓集中多改竄之處蓋猶其自訂之原本也周學健三十乘書樓集序農曹帥君卓山為余友秦藩蘭臯之兄子偕余弟學伋貢禮部以論詩相得甚歡交甚善卓山既成進士入詞館詩日有聲聞余弟計借復至喜懷所作亟往伺之比一見疾相持且呼躍聞者耳驚徐探懷中詩出其讀又喜且大笑也余弟性木彊不諧俗來京師杜門不接一客或禮先之輒稱病不即答問以詩問者亦不應羣目為怪獨卓山樂與處余弟亦獨喜卓山可與處謂真能詩者吾友也可以言詩卓山之於詩也一以杜為宗余弟則謂學杜者得其性情所在各當其時遇所觸言之而有關於倫理性命之故不必杜而無非杜也抑其波瀾意度之所出則不可不論卓山以為

然則益肆力於杜方其情之所遇一有所得輒舒簡作豪毛小書或大字雜置諸篋時拉余弟檢視推其善不凡所善者錄於帙計余弟在京六閱月不與卓山相見及相見不語詩者率月無一二日蓋卓山惟余弟之言是從而余弟亦惟讀卓山詩則不知手足之舞而津津有味其言之也余弟既還卓山時若有失歲之二三月謁歸將道陝省其仲父蘭臯而質以詩屬余為敘之余與蘭臯交二十二年矣中間聚處不異余弟與卓山而余媿不能詩即蘭臯故有詩名亦似少媿其兄子積至今余髮且白尚無可道者竊用自咎故於敘卓山詩而深今昔之感幸卓山其以為鑒勿重蹈余之追咎且示余弟尚無方人以速自勵也時乾隆五年春三月

刑部郎中涂錫禧迎昌撰

四書拾遺 尚書參補 禹貢圖記 余友芳撰

致樓詩草一卷 明經陳坦安世撰

近堂初編 選貢傅鳴玉克相撰

藝文 書目

家訓一卷

瑞州訓導王緒綸合也撰

春蘿書屋詩存

九江府教授宋五仁靜山撰

醉六堂文集

趙開泰大來撰

曉窗詩鈔二卷

雙流縣知縣徐日明東啟撰

目耕堂稿二卷

洞春續刻

江右詩矩

袁州雜識

谷鹿州補談

魚蟲類注

經外集對

長汀知縣徐日都中甫撰

木卯居詩草

舉人劉宜清太臨撰

今詩所見集

劉宜清輯

澗遊詩草

東鹿縣知縣陳鳳澗澄波撰

南川草堂詩鈔

南城指揮宋鳴珂楫桓撰

味經齋稿

高陽教諭宋鳴璜渭師撰

周易串義

劉斯茂景叔撰

地理薪傳四卷

甘怡子宜撰

西園偶涉詩草

州同彭良聽三羽撰

秋水亭詩草

諸生宋軻雲鳳憲撰

雪航詩鈔一卷

李繼安靜侯撰

古事辨二卷

餘干訓導劉希向栢亭撰

賜綺堂詩集

舉人蔡念功介卿撰

鑑湖詩草一卷

彭匡蓮百子撰

松菊園詩草二卷

張侯孝仲友撰

淡園詩鈔二卷

彭桂祚芳遠撰

頤軒詩鈔

諸生羅起振文維撰

留耕堂詩草

諸生羅克聰哲士撰

爲人草二卷

宜春教諭羅彥清晴沙撰

素吾詩鈔

羅福星益臨撰

二樟詩鈔四卷

同知劉念拔笛樓撰蔣士銓序

四六便刻

北仕篇

明經劉尚灝渾之撰

嘯月軒文集

諸生涂玠生晉若撰

矩堂詩鈔

商南縣知縣徐曰昌蓀塢撰

瀛洲詩草

河間縣知縣徐曰言慎齋撰

浣花詩集四卷

州同帥煥石耕撰

詩考 異字箋餘十四卷

華容縣知縣周邵蓮湘浦撰

餘因主吾友盧學士文昭以校讐爲識志撰釋文考証以綜彙之以綱淺學竊嘗平心而論說文余死之訓詁釋文之旨義釐然具在惟賴學人善取耳然後來專守宋儒章句者則往往以說文余死爲迂遠不足稽也而其專爲說文余死之學者又轉多喜創獲好爲立異如惠氏易述殺然改經字以就其所據一家之說以新奇爲復古此則欲窮經而反害於經究其致此之由亦未嘗非專守宋儒者有以激成之吁可鑑也哉周生此編虛懷審慎不執一說不偏一家其間實難以斷定者則以俟善學者加詳焉昔生初來吾齋問字於南昌時方網擬以所校釋文諸卷屬江西諸學侶者萬載辛生紹業浮梁鄧生傳安南城王生聘珍新城魯生肇光嗣光輩博採諸書以勘討之既而聞吾友盧君校正釋文毀板於杭其事遂未竟今又逾十年許而得諸生之編能不感於所趨而有資於研索故吾謂其用意有非伯厚所能及者而違時區區訂正之願得藉生之勤篤爲我補之不禁慨然而三歎也

養雲樓集八卷

給事中甘立猷撰

荆香齋詩鈔四卷

諸生甘之儼海樵撰

賦苑類選八卷

明經潛光穀元山撰

夢墨堂稿九卷

温州府同知涂錫盛勉齋撰

覺非齋詩一卷

諸生徐良知曉初撰

四書人物考

諸生帥懋雲谷撰

咏雪樓詩集

諸生徐日呂室甘立姪著

繼聲齋詩文稿

諸生嚴庶撰

梅花百韻詩一卷

僧覺定靜菴撰

奉新縣志卷十二

雜志

祥異

紀事

捫聞

方外

壠墓

補遺

五行有志標祥瑞之名雜組成書入瑯環之笈題稱餘載體效編年至於緇魏收之舊史釋老咸登過柳季之高原樵薪曾禁雖資談助無補藝林偶尋未見之書亦獲多聞之益奉新立縣垂二千年軼事遺文頗多可採若乃騷人墨客釋子羽流有先達之遺風經名公之勝賞雕龍座上傾杯酒以論心下馬陵邊讀碑文而霞涕流風所被亦載筆者所不得遺也夫紀載之文必從其類類無可附斯謂之雜昔韓邦靖作朝邑志終以雜記今倣其例為雜志分

日五冠以祥異而紀事與撫聞並列方外借壘墓同收雖
緝綴紛紜近於瑣屑而網羅散失儻亦采風者所樂觀已
祥異

漢永平末豫章蝗穀不收民飢死縣數千百人五行志註

吳寶鼎元年丙戌海昏縣出明珠原志

晉大興元年戊寅彩雲覆豫章郡甘露隨雲而降鄭樵通志

梁天監六年丁亥新吳新安鄉獲四目龜二豫章書按潛確類書龍溪水在奉

新梁時獲四目龜於此

唐武德六年癸未慶雲見洪州通志

麟德二年乙丑新吳同安鄉得白麋一有司以獻是年詔置寺觀以銀麋名

貞元元年乙丑嘉禾生洪州或五莖四穗或兩莖三穗安志

元和二年丁亥秋洪州大旱安志

三年戊子旱原志

四年己丑旱同上

十五年庚子秋洪州水豫章書

長慶三年癸卯秋洪州螟蝗害稼八萬頃同上

寶歷元年乙巳旱房志

唐天祐七年庚午夏洪州寶石於越王山下昭仙觀前有聲

如雷光彩五色濶十丈袁吉江洪四州皆見觀前五色煙

霧經月乃散錄異記舊志按十國春秋天祐間洪州寶石于藥王山昭仙觀前長七八尺圍三丈餘

節度使劉威命舁入觀中七日内漸縮小數尺許後止七寸時以爲活石與錄異記事同而小異因並錄之 按越王山宋以前皆稱藥王山

清泰元年甲午吳長興五年縣治南地陷長數十步廣數丈

狹者七八寸 原志

宋雍熙二年乙酉縣民何靖妻產三男 原志

景德二年乙巳縣民魏勇妻產三男 通志

嘉祐二年丁酉旱 原志

治平元年甲辰洪州水 安志

元豐二年乙未秋洪州稻已獲再生皆實 同上

紹興四年甲寅七月隆興水圯民廬 文獻通考

二十七年丁丑洪州大水 府志

乾道四年戊子夏六月隆興旱 豫章書

七年辛卯隆興首種不入秋饑 豫章書 按原書隆興下字有暨各郡三字者今皆省去

八年壬辰隆興府大旱 同上

九年癸巳隆興府鼠害稼千萬爲羣甚於螟蝗 同上

淳熙五年戊戌旱 原志

七年庚子春三月不雨大旱蝗民饑 安志

九年壬寅秋七月隆興旱 豫章書

十四年丁未夏五月隆興旱 同上

十五年戊申隆興府大水奉新尤甚淹沒八百餘家 安志

紹熙四年癸丑五月奉新縣大雷雨水漂沒八百二十餘家
五行志 舊志誤入紹興四年今據宋史移載於此

慶元二年丙辰大水 舊志

嘉泰四年甲子春隆興大饑 豫章書

咸淳六年庚午旱 原志

元至元二十七年庚戌秋七月龍興路水 豫章書 按至元二十一年始改隆

興為龍興奉新屬龍興

大德元年丁酉夏五月龍興水 豫章書

七年癸卯夏五月龍興饑 同上 九年乙巳夏六月龍興蝗 同上

延祐元年甲寅秋八月龍興路水 安志

泰定三年丙寅秋七月龍興奉新火 豫章書

至元元年乙亥春三月龍興路飢 同上

至正八年戊子夏四月奉新大雨雹傷禾折木 同上

十二年壬辰夏四月龍興大疫 豫章書

十三年癸巳夏龍興大旱 豫章書

十四年甲午冬龍興雨水冰 豫章書

明永樂十三年乙未夏南昌府屬大雨江水泛漲壞廬舍沒

禾稼 府志

洪熙元年乙巳夏南昌府屬大雨水潦傷稼 同上

宣德八年癸丑夏六月南昌府屬大雨江水溢漂流民居淪

沒田畝 同上

九年 甲寅 奉新縣旱大飢 同上

正統五年 庚申 春夏月南昌府屬淫雨江漲淹沒早禾六月

以後亢旱晚禾枯死 同上

十二年 丁卯 南昌府屬水災人民乏食 同上

十四年 己巳 南昌府屬大水 同上

景泰七年 丙子 夏四月南昌府屬淫雨自五月至秋七月早

傷禾稼 同上

天順二年 戊寅 南昌府屬久雨大水衝決民居淹損禾稼 同上

四年 庚辰 夏四月南昌府屬江溢飢 原志

成化元年 乙酉 旱 同上

二年 丙戌 旱 同上

三年 丁亥 夏南昌府屬三月不雨大無禾 安志

四年 戊子 旱 原志

七年 辛卯 大水漂流房屋人畜甚衆 同上

十年 甲午 南昌府屬旱 府志

十二年 丙申 南昌府屬水 同上

十四年 戊戌 旱 原志

十五年 己亥 旱 同上

十六年 庚子 旱 同上

二十一年乙巳大水市民徐錢家屋柱上產芝菌稍向北色

黃初生時有氣狀如鐘烟之臭漸成六層原志

宏治元年戊申正月雨水冰五月野牛入於市同上

三年庚戌徐錢家屋柱復產靈芝如成化年間狀同上

六年癸丑徐錢家又產靈芝色紅亦漸長六層爛然可愛初

生亦如成化年間狀

七年甲寅大水

十四年辛酉南昌府屬水府志

十六年癸亥南昌府屬水同上

正德元年丙寅大水原志

五年庚午奉新大飢府志

八年癸酉大旱舊志

十年乙亥南昌府屬飢府志

十三年戊寅南昌府屬水同上

十五年庚辰春南昌府屬恒雨夏四月大水府志

十六年辛巳南昌府屬飢同上

嘉靖元年壬午夏五月南昌府屬大水飢同上

五年丙戌夏南昌府屬大旱同上

十二年癸巳夏四月十三府大水蝗大至遮蔽天日落田食

穀輒盡數十畝院道臨縣設法捕之令貧民捕賣炒死一

石給米一石

萬曆志

十三年

甲午

虎入種德門橋市民殺之

同上

十五年

丙申

野牛入南門橋市民殺之

同上

十九年

庚子

大飢

舊志

二十四年

乙巳

大飢山村鋤蕨為食勸富民出米煮粥

同上

二十五年

丙午

生員余榭家砌石上產靈芝長五層

同上

三十一年

壬子

南昌府旱飢

府志

三十五年

丙辰

夏四月南昌府屬大水飢

同上

三十九年

庚申

南昌府屬水飢

同上

四十一年

壬戌

夏四月至六月南昌府屬大水衝決民田廬

同上

四十三年

甲子

南昌府屬水

同上

四十四年

乙丑

南昌府屬飢

同上

隆慶二年

戊申

南昌府屬飢

同上

萬曆五年

丁丑

三月雨黑穀

舊志

十四年

丙戌

南昌府屬大水

府志

十五年

丁亥

南昌府屬大水飢

同上

十七年

己丑

南昌府屬自春三月不雨至秋七月疫

同上

三十六年

戊申

八月大水

舊志

三十七年

己酉

夏南昌府屬大水

府志

雜志

詳異

四十六年戊午秋八月奉新縣大雨出蛟山水暴溢漂民廬

居溺死者六七百人巡撫包見捷以聞遺聞

崇禎四年辛未秋七月十八日南昌府屬地震九月天鼓鳴

十月又地震安志

九年丙子南昌府大飢米穀騰貴鄉城爭相搶奪巡撫解學

龍禁之弗得以數人正法乃止安志

十四年辛巳正月雨水舊志
十五年壬午四月黃雲四塞

國朝順治三年丙戌二月初三夜西北方有彗星狀如鎗刀劍

戟赤色光芒有一星光芒直衝斗口是年自五月至秋七

月不雨草木皆焦舊志

四年丁亥大飢斗粟銀六錢人多死舊志

九年壬辰大旱舊志

康熙元年壬寅南昌屬旱同上

五年丙午四月壬子立夏雷雨大柱甲寅有大暈縱橫數丈

國內弦青黑日色閃動如沸波傳云主應大水箋臆

七年戊申春三月雨雹夏六月地震有聲舊志

十一年壬子春大飢

十七年戊午秋旱同上

二十二年癸亥自正月至三月恒雨舊志遺今據帥我詩補

正月至三月盡霖雨不止時臬憲柯公僉憲查公入覲陳
言以南郡浮賦併各府荒缺錢糧特疏入告雖尚未奉

恩旨然捧讀疏藁真誠惻怛民瘼得以上聞如蒙
俞允則仁人之言其利溥矣一春九十日積雨何連綿農事

過時節空村絕炊煙吾聞唐貞觀斗粟至三錢史臣紀盛
治特書光簡編今粟亦云賤啼飢乃復然富室迫催科貧

家愁粥餽粟死古所懼民窮
帝所憐况復雨不止平田成巨川畔種如失候憂豈獨眼前昨

聞諸觀公人告誠惓惓存賦既面陳荒穡猶請蠲疾痛得
上達仁言真可傳未知九重意民頸已久延禱祀并呼籲

歡喜還憂煎
聖朝無弊政惠澤知不偏延佇
恩詔下毋使咨堯天野田黃雀行嗟爾小田雀空田拾餘粒

年年同飽飛樂萃保相集爾來兵火餘草荒失原濕人稀
廢稼穡煙火空鄉邑亂淺咽殘雲往住聞鬼泣誰知太平
民散亡賴安輯烏飢猶飛鳴人飢空鳴嗚殺心生網羅忍
氣遂相及往者食于農徵難義周急一飽殘干生掩涕沾
巾濕

二十八年 巳秋旱 舊志

五十五年 丙夏大水 同上

雍正六年 戊申秋旱 同上

七年 巳酉 虎至東門外市民殺之 同上

十一年 癸丑 五月大水 同上

乾隆八年 癸亥 四月大飢斗粟銀數錢 同上

十年 乙丑 五月大水 同上

十二年 丁卯 九月初一日夜棚口前火焚店二百餘家 同上

四十年 乙未 蝨傷稼

四十六年 辛丑 夏旱 大水

五十四年 己酉 新安鄉民能衍夢妻產三男

五十八年 癸丑 七月大水漂沒民田廬無數城中不被浸者

僅三十餘家

嘉慶七年 壬戌 早

十年 乙丑 五月新安鄉大水

十六年 辛未 早

十八年 癸酉 糧署古木生靈芝二

李鵬元奉新丞鵬雙芝記

降庭廳事右古木生靈芝二質若凝脂穉黃纖白其氣氤氳非華非實及其長也潤尺有咫中厚數寸邊有輪郭雲盤層疊勢若雨翅軒輕頤潔而賦澤而堅實蓋麟液油油然飽經霜露既歷三秋方興未艾也客曰嘻是瑞草也非君善政何以召之君滋茲土越十七年矣視民者老猶吾耆長也視民少壯猶吾子弟也視民孤獨猶吾兄弟之無告也民有善君嘉之民有不善君教之古所稱愛民如子者豈過是乎故虐民則報及於嗣愛民則善延於世此其間有天焉非人力可強而為也昔羅君致仕而蘭生於階德之感也謝子多佳而芝生於庭福之兆也意者秀草

之生亦祥和之氣所感召而致之者與君之德足以致之君之才蓋從而志之予曰嗚呼予何德哉且瑞應之與上

聖澤下兆休徵予何敢有也客又曰靈瑞之物當不虛生君即不自有亦盍書之以為後來君子居是官者勸予曰諾因詳其物之異與客之言而題之於廳壁是為記

二十五年 庚辰 早

道光三年 癸未 五月大雨二十餘日

紀事

漢景帝三年

丁亥

削吳之豫章郡吳王濞遂連七國反太尉

周亞夫大將軍竇嬰將兵擊之七年遂斬吳王濞于丹徒

前漢書 舊志按是年改吳為豫章郡領縣十有八海昏隸焉海昏今奉新武寧建昌靖安諸縣是也

建安八年

癸未

權西伐黃祖還過豫章使太史慈領海昏

府志

十一年

丙戌

太史慈率程普從征江夏還過豫章別討樂安

樂安平定太史慈領海昏

晉建興三年

乙亥

春二月杜弼別將杜宏張彥與臨川內史

謝擒戰於海昏

晉書愍帝紀

梁太清三年

己巳

湘東王以新吳洞主余孝頃為豫章太守

南史

大寶二年辛未正月新吳余孝頃舉兵拒侯景景遣于慶攻

之不克六月孝頃遣兄子僧重將兵救鄱陽于慶走還豫

章復走江州後王僧辯等會兵平景景于四月伏誅豫章書

太平元年丙子春正月梁遣兵擊侯瑱於湓城通鑑綱目

中流兵甚強盛又以本事王僧辯雖外示臣節未肯入朝

初余孝頃為豫章太守及瑱鎮豫章乃于新吳縣別立城

柵與瑱相拒與留軍人妻子于豫章令從弟瀛知後事悉

眾以攻孝頃自夏迄冬弗能克遂與其部下侯方兒不協

方兒怒率所部攻淵虜掠瑱軍府妓妾金玉歸于高祖瑱

既失根本兵眾皆潰徑歸豫章豫章人拒之乃趨湓城

二年丁丑春二月梁蕭勃起兵廣州次于南康丞相陳霸先

使周文育擊勃獲其將歐陽頔傳泰勃為其下所殺南史

文育傳云蕭勃將舉兵踰嶺詔文育督眾軍討之時勃吳

嗣主余孝頃舉兵應勃遣其弟孝勵守郡城自出豫章

于石頭勃使其子孜將兵與孝頃相會又遣別將歐陽

頓軍苦竹灘傳泰據城口城以拒官軍官軍船少孝頃有

舡艦三百艘艦百餘乘在上牢文育遣軍主雋僧度羊東

潛軍襲之悉取而歸仍于豫章立柵時官軍食盡欲還

育不許乃使人間行遺周迪書約為兄弟并陳利害迪得

書甚喜許饋以糧於是文育分遣老小乘故船沿流俱

下燒豫章所立寨堡退孝頃望之大喜因不設備文育從

間道兼行信宿達羊部羊部上流則歐陽頔蕭勃下流則

傅泰余孝頃文育據其中間築城饗士眾皆大駭歐陽頔

乃退入泥溪作城自守文育遣嚴威將軍周鐵武與長史

陸山才襲頔擒之於是盛陳兵甲與頔乘舟而譙以巡傳

秦城下因而攻秦克之蕭勃在南康聞之皆股栗莫能自

固其將譚世遠斬勃欲降為人所害世遠軍主夏侯明徹

持勃首以降惟孝頃與勃子孜猶據豫章之石頭作兩城

孝頃與孜各據其一又多設船艦夾水而陣陳霸先遣侯

安都至乃銜枚夜馳其艦文育率水軍安都領步騎登岸

結陣孝頃依斷後路安都乃令軍士多伐松木豎柵列營

漸進頻戰屢克孜乃降孝頃奔歸新吳請入子為質許之

陳永定二年寅春正月梁王琳伐陳次于白水夏五月琳

伐臨川不克秋八月侯安都周文育自湓城逃歸通鑑綱目陳

書周迪傳王琳至湓城余孝頃舉兵應琳琳以為南州諸郡可傳檄而定乃遣其將李孝欽樊猛等南徵糧餉猛等

與孝頃相合衆且二萬來趨工塘連八城以逼周迪迪使周敷率衆頓臨川故郡截斷江口因出與戰大敗之屠其

八城

三年卯余孝頃子公颺弟孝勸據舊柵擾動南土武帝遣

周文育及周迪黃法氈等討之豫章內史熊曇朗亦率衆

來會文育遣吳明徹為水軍配周迪運糧自率衆軍入象

牙江築城於金口公颺偽降謀執文育事覺文育囚之送

都以其部曲隸衆軍乃捨軍為步軍進據三陂王琳遣將

曹慶援孝勸自攻周迪敗之文育退據金口曇朗因其失

利殺文育而併其衆襲周敷敷大敗之迪遂進攻豫章曇

朗走入巴山敷與迪黃法氈追斬之

宋紹興元年辛春正月盜賊橫肆李成據江淮尤強悍命

張俊為江淮路招討使岳飛副之成黨馬進在筠州張俊

趨豫章與楊沂中岳飛大敗之遂復筠州成聞進敗自引

兵來遇於樓子莊又大破之遂復江州朱史本紀張俊

使請討巨盜孔彥舟張用李成時成聞江州其黨馬進在

筠州豫章介在筠之間俊副命亟趨入豫章喜曰我已得

洪州破賊必矣斂兵城中息金鼓禁人登城賊以為快居

月餘遣人索戰大書來牒俊細書狀報之尋謀知賊背柯

由上流絕生米渡出賊不意追奔七十里至筠州賊背柯

而陣俊率步兵當其前以精騎授楊沂中陳思恭約于午

時從山後夾擊塵戰及期精騎自山馳下賊駭亂退走遂復筠州追至奉新西樓子莊成黨商元據草山挾險設伏俊遣步兵從間道直追山椒殺伏奪險乘勝追至江州賊勢危迫絕江而遁呼為張鐵山江州已復引兵渡江追殺馬進成北走降劉豫岳飛傳李成將馬進犯洪州連營西山飛請于張俊曰賊貪而不慮後若以輕兵絕生米渡出不意破之必矣俊大喜因以為前鋒飛重鎧躍馬潛出賊右突其陣所部從之進大敗走筠州飛抵城東賊布陣十五里飛先設伏以待選騎二百以紅羅為幟土刺岳字騎隨幟而前賊易其少薄之伏發敗走使人大呼曰不從賊者坐吾不汝殺坐而降者入萬進與餘卒奔南康飛夜引兵至朱家山斬其將趙萬成聞自引兵十餘萬來遇于樓子莊復大破之追斬進時張用方寇江西飛以書招之曰吾汝同里南薰門鐵路步之戰皆汝所悉欲戰則出不戰則降用得書遂降江淮悉平俊奏飛功第一加神武右軍副統制留洪州彈壓盜賊

元至正十二年

壬辰

春二月有史普清者稱元帥率蕪黃之

眾數百自奉新抵新建驅脅鄉民據新塘復立寨土寇喻

謙可屈祥喻昇余玉等佐之故家大族殘滅殆盡時鄒普

勝攻龍興既敗走行省屢遣朱千戶領兵討之不能克義

士夏益卿熊天佐等不敢入惟駐生米章家渡以為郡城

西障時阿都赤招集義兵屯大唐嶺過興國建昌往來之

衝以故西岸之紅巾不得近城至秋鄒復遣其黨自興國

出武寧奉新豐城入南昌境欲攻城義士黃季中劉仲昇

等率義兵接戰勝之維時藩府雖鞏固而四郊皆寇壘也

江西大志

夏四月賊陶八都攻奉新南鄉據之奉新帥元濟聚眾拒

于境上

舊志

十三年^{癸巳}七月有賊萬餘自武寧靖安入境殺擄人口焚燬房舍行都元帥府遣趙把總領官兵百餘與賊敗之市民安堵把總因乘馬中流矢而死舊志

十一月江西右丞火尼赤以兵平富州臨江遂復瑞州立

義兵千戶水軍千戶所于江西元史本紀 府志左 當作 丞火你臨作赤統北軍并

率南昌義兵頭目黃冲自龍興復富州又復臨江及瑞州遂攻奉新克之陶八都遁去火你赤令冲于奉新守禦并攝富州事南昌寇李明道聚眾據富州築城創署冲不得進火你赤等轉破新塘寨史普清率其黨翼謙可等驅新塘之眾走奉新縣據雲居山為巢穴

十四年^{甲午}春史普清陷奉新監縣明安圖死之府志

十七年^{丁酉}春武寧縣胡紹遠攻吳三復破之遂據奉新縣

同上

十八年^{戊戌}夏四月徐壽輝偽平章陳友諒率水兵戰艦千

餘由九江乘風一夕至龍興路薄城平章火你赤南道城

遂陷胡紹遠以奉新降同上

十九年^{己亥}陳友諒以偽丞相胡廷瑞守龍興路胡紹遠復

自奉新起兵與友諒之眾戰于建昌之麻潭敗死同上

二十二年^{壬寅}春正月寧州土豪陳龍以分寧奉新通城靖

安德安武寧元志寧州領分 寧武寧二縣六縣降豫章書

三月奉新帥元濟乘郡亂復率眾以應偽漢既而叛去府志

二十三年^{癸卯}夏四月帥元濟復脅鄉民助逆友諒弟陳五

惡其反覆殺之

明成化二十年甲辰奉新武寧二縣盜起守臣以聞尋破滅之府志

正德五年庚午奉新大飢華林瑪瑙寨盜起

府志皇明從信錄五年四月

江西盜起華林賊破瑞州府靖安賊據越王嶺瑪瑙寨召總制右都御史陳金總制江西軍務發兵征之瑞州雜志五年七月高安陳一羅長一奉新胡雲二嘯聚郡界之華林山連劫庫獄暨奉新靖安建昌諸府縣脅從虜質至萬人復分踞越王嶺瑪瑙仙女雞冠山等寨官府追捕惟華林賊尚熾明李夢陽士兵行有華林桃源諸賊徒金帛子女山不如之句

七年壬申四月周憲攻華林賊五月兵敗六月李承勛進勦

平之

明史紀事從信錄時陳金檄副使周憲等分兵三路討賊賊帥兵進其二路兵失期不至憲

與賊戰獨深入山谷險峻賊憑高發播石下兵敗憲被殺死之子幹從征見父被執躍馬前救之中流矢死事聞贈憲官諡忠愍旌其子孝烈乃命給事中黎寅往勸功罪金檄按察司王秩南昌知府李承勛督兵勦之勦乃招賊首黃奇置麾下奇有智畧任用之人謂勦宜防不測賊益親信令宿帳中奇感奮誓以死殉勦乃令奇入賊寨說其黨之來降者與約期令侯報至期勦令士酋岑猛選精兵五百人夜與俱至山下令黃奇密入寨誘所與約者來既見復諭之去令為內應勦乃與猛帥五百人夜衝枚登山見重險止黃奇與數人前導至壘羣賊方射睡在夜者擊三更奇拔寨帥衆人五百人奮力攻之內應降者亦合勢夾攻賊倉卒不知所為斬首三千餘級衆奔出壘乘夜逃匿山谷俟曉搜諸山又斬獲千餘人華林遂平於是移兵瑪瑙寨俱平之信志按府志周憲子幹見憲被殺奮身赴救中鎗鎗力戰竟墮崖死通判汪穎面被創僅以身免士死傷者二百九十人

十四年己卯夏六月丙子藩王宸濠反都御史王守仁集兵

糧傳檄四方諸郡縣皆至適謀報宸濠伏兵千餘在新舊

墳廠為城中聲援遣奉新縣知縣劉守緒夜從間道襲破之贛州奉新等兵皆降盜多肆殺掠守仁執數人斬之眾稍定 明史紀事畧

嘉靖十五年 丙申 冬十月以奉新建昌寧州武寧靖安五州縣俱隸九江兵備

萬曆四年 丙子 寧州賊梁李大變楊青山倡亂奏設守備官於大瀉山之銅鼓石置哨于百丈 舊志

崇禎十五年 壬午 七月視下李肅十肅七仇殺劉丁九聚為紅巾盜九月戊寅復殺捕兵劉大二等四人於孟田冬十一月壬午院道遣材官帥師統鄉勇擒盜不得死之甲申

營兵乘間焚搶閏辰一廬舍辰一遂為盜潛劉李况數十

姓良民激而從之眾遂數百 徐大銓誌兵戎畧 彭博亮

首李肅十素業斲輪陰為鼠竊捕兵索其月錢練總倚為外府乃警殺練總以事告肅十肅七復殺捕兵劉大二等四人于孟田初肅七未為盜索月錢者波及之不已乃從弟夜行肅七恨此輩擊之而後殺以償擊之為盜乃驅之殺已也兩肅自此結亡命之徒以為盜地方起而應之者十二人有十二天王之號差弁至遂不問兩肅而處附近良民且行淫掠激而從賊者乃眾富貴之家徙避委大屋版舍壯奴窮佃此肅賊大得志之日致黨二千餘人而紅巾盜之名赫然樹幟矣 十六年正月己酉盜焚劫馬嶺鄒姓營兵往救失利守備雷大功死之盜復連余霍二熊樞一張李成劉南三等有十八羅漢二十四天罡三十六地煞名號分寨乾州後城四出焚劫二月兵備道陳起龍移鎮奉新遣將勦盜敗績將官汪文鎮王龍徐叔駒黃某邑營弁金鳳翠等死之戊申會勦我師敗績都司袁斌王某死之喪師百餘人五月辛亥盜攻安義縣縣勇逆戰勝之斬首百級癸亥邑生貞周時琪陰結帥北一刺殺

李肅十餘功壬子盜攻靖安縣勇開城殺勝之斬李
東陽等百餘級庚申陳起龍以病歸都司何其賢接鎮奉
新僭邑推官宋應星密令生員周時琪親視各寨陰行間
驟盜遂大悔六月視下盜李靖三乾州盜閱辰一後城盜
張李成等各殺盜魁乞降胡時亨傳首三邑境內又癸
未正月兵備道陳起龍起龍即走賊威大震隣封舊盜聞風
歸肅皆以萬計起龍患之乃團練鄉勇招徠壯士搏與宋
應星周時琪謀舉義伏帥益寰行北一者以進益寰夜謁
起龍談甚容易訂約而出月餘益寰謀成與鄉勇吳義二
義三道一以貢金免焚為名置酒召肅十肅十帶輔將劉
子雄兩騎至入屋巡視見帥吳共止四人乃不疑解佩刀
置几上散然舉酌益寰進酒安坐以刀掛壁肅十銜盃方
侈談某日攻靖安某日攻安義某日大攻奉新收三城窮
漢共渡章門益寰作俯耳密語肅十側耳而聽不覺袖中
尖刀入頸四寸矣肅賊錯愕起坐手無所措帥又復奏矣
時子雄起坐將拔佩刀吳義三從坐後抱于雄二道一
手及之子雄立斃肅賊尚能疾走帥舉大刀同吳三追殺
之取首級走馬馳報起龍龍者至相踐踏誌初賊眾
帥吳二家倉屋而肅七亦以受傷死部眾遂解頭目李東

陽多方進絡招江陽諸盜益其哀為鬼術以惑眾嘗使小
童窺伺眾賊動靜以聞有賊以金埋石下將遁去東陽即
托神以白其事于是賊黨復固帥吳復與搏連集村里丁
壯紿盟而出兩戰兩捷四月司李胡時亨以陸軍來奉新
會靖安請分鎮遂居靖靖去賊營甚近得便宜從事招塘
港白免存原二千餘梟勇異常乃合三縣同日進勦賊大
敗將官全國柱張獻表追入龍州寨殺無算賊皆奔逃
國柱遂擒二賊以歸起龍陞任都司何其賢繼鎮奉新有
吉甫之風邑人快之時兩縣議撫事成鄉勇與帥吳義士
不從必欲盡殺免恣養瘠未免勦撫水火賴時亨多方
調攝勦撫並用六月餘收拾殆盡持節班師嘯聚甚速撲
滅亦甚速總之非一手一足之烈也 按帥仍祖嗜退
房稿死於肅十之亂者尚有把總帥維新

國朝順治二年 乙酉夏四月英王追闖賊至九江後營總兵金

聲桓願收江省自効許之六月聲桓入南昌屬縣不煩兵

而下 舊志

三年^丙春二月初四日瑞武大盜萬餘人由靖安至龍頭

山初五日遂焚掠上富村進奉等處輯鄉兵討之斬首二

十餘級賊遂潰我兵游孟八胡表十胡詩三鄒顯七等十

餘人死之

同上 又夏四月西昌劉震木率眾萬餘自分

寧進屯九仙湯聲言由奉新下窺江省邑人謀

曰劉一旅孤軍前有勁敵後無援師若鼓行而東勢必與

尸而徒苦吾鄉也於是生員張璉銜當事命往軍門說

之震木悟乃復攜兵入寧州 同上

康熙十三年^甲南昌總兵楊富以事誅餘黨流靖安作亂

蔓延奉邑以白巾爲號

冬寧武不靖盜首劉往七戴朝曉

等攻陷建昌縣踞安義十月新昌

陷是月晦日賊眾自瑞州來攻靖安鄉先遣三十餘人入

城內應鄉諸生胡世和者以高廷其行潛遣人告於縣十

一月朔賊千餘攻西南南城知縣董宏毅率家丁十餘人

登西城埤道經通化橋迤內應者出拒宏毅手及二人餘

黨披殺晷盡揭竿標敵城外賊大驚宏毅乃會駐防胡來

朝縣丞盧煌典史胡尚高率兵迎戰斬偽左將軍併賊無

算生擒六人餘賊皆奔城藉以完

十四年^乙春新昌賊與寧州靖安賊合掠進化等鄉焚劫

無虛日各鄉聯集都綱自爲戰守賊欲由進化復薄縣城

竹谿諸生羅光孚光普兄弟率鄉勇極力捍禦其地距縣

五十里扼賊要賊未能遠東下冬十月十三日賊數千始

來攻先是督標守備馬千總王百總羅領綠旗馬步兵增

營城內武舉王顯光同知縣等官團練鄉勇固守城池至

是出戰賊却走十一月邑僞副將陰健子擁眾萬餘屯礮

下聲言破城知縣董宏毅告急總督飛檄巡道李世昌率

兵臨瑞兩郡進攻礫下李令林副將攻上里馬守備攻黃坪王千總羅百總攻黃岡下斬殺無算賊大潰遂降其偽叅將劉應璉等七十七人偽兵六百六十九人招集難民一萬四百一十七人舊志

十五年

丙辰

三月一日邑西諸賊乘間焚劫竹溪羅族禦之

失利羅憲允憲炳憲松憲發秉衡光元光命德一經六後十君十等十一人死之邑侯董公嘉其義勇親為祭奠命

羅氏祀宗祠

春礫下餘黨復嘯聚擄掠近城居民時值

湖洲將軍屯軍江省宏毅請撥兵協剿三月官軍遇賊於奉新鄉棉花地殺賊七百餘人復招撫上富各處偽將吳祥生等四百四十四人偽兵二萬一千八百七十人難民三千三百三十人賊悉平

嘉慶三年

戊午

寧州賊劉連登等作亂巡撫張誠基由奉新

往討平之

披聞

孟浩然詩一首

九日龍沙作寄劉大育虛龍沙豫章北九日掛帆過風俗因詩見湖山發興多客中誰送酒權裏自成歌歌竟乘流去滔滔任夕波

黃庭堅與胡少汲書

某叩首春末得莊僕回所惠書即附慰疏問唐臣窵多遠近及念九兄弟

處喪何如學問可望否張氏女得所否何以書至今未盡耶計是奉新莊夫非有所調發不往故直留前書在村舍爾足下手足之痛相及在體于人情豈能堪然當以承祭祀為重以道印為智慧之用知其兒女痛痒則不孤兄弟所以相期者矣惠寄蠲油拳皆山中所謂多感多感參前堂蓋取立則見其參於前耳此處有前後堂前堂面竹竹外修溪修溪以南幕阜山重叠無際後堂北桃李皆數十尺盛夏綠陰甚可愛二甥誤傳堂意致公佳作失經旨所謂使陳壽不美于史遷固之罪也諸詩皆有勝處知別後不忘學欽嘆所須伯夷廟碑及近文以盛暑揮汗作書不復可及此物秋涼後或得手抄數篇也某頓首辱書勤懇并惠示參前堂詩詞意深遠欽嘆霜後頗寒不審彼

氣候何如即日想進學不怠體力清勝遠寄山蓋甚副所
 須蓋比居山堂中晨起常氛霧蒙遠近日高乃相辨故須
 此耳舉道者碑甚佳不知彼方猶能傳舉道者語錄否試
 為尋訪舊於文字中似見有之耳公家與不肖薄有瓜葛
 又是年契不但以令兄遊從故為兄弟走人行非所以見
 處幸改之百冗奉狀草草某叩首頃得相見甚愛風度
 高明恨未款語耳前年辱佳句并斷章適遭大故哀荒幾
 死天幸扶護歸次鄉里山川如昔曩事隕心多病多故不
 復能與人事又賓客未嘗出門以是去年復辱書亦未能
 作答然聞獨思念公於不肖勤勤懇懇非有他求特以草
 木臭味同爾爾相求于一世之所棄故雖淡泊如此想必不
 凝滯于胸次也承以令兄之哀疾苦復作幸即輕安家事
 所寄憂責未已惟寬懷自重 晁嫂必孝友解事家居唯
 雍睦則不以細故傷大義亦使亡者無憾于泉下矣念九
 兄當此多難能自奮發否公道學頗得力耶治病之方深
 求禪悅照破生死之根則憂畏淫怒無處安脚病既無根
 枝葉安能為害投子聽老是出世宗師海會演老道行不
 愧古人皆可親近殊勝從文章之士學綺言妄語增長無
 明種子也聽老尤喜接高明士大夫渠開卷論說便穿得
 諸篇鼻孔若于義理得宗趣却觀舊所讀書境界廓然六

通四開極省心力也然有道士須以至誠懇惻歸嚮古
 人所訓下人不精不得其真此非虛語 某頓首辱書通
 在邑中以故未得即歸又當往府中謝諸公所以未得如
 前約錄近支奉寄爾自州中冬夜長可手寫數篇往也二
 年來尤覺眼力不足數日來漫服椒乃似有益冀漸得力
 冬夜可觀書耳年垂五十百哀相現故思如少汲政好勤
 學耳所報令兄房兒女詳悉甚慰誨諭存心處竊願公如
 此耳古人學問亦無別用處惟舉斯心以加諸彼而已
 蘇軾書李志中文後一則 元豐七年舟行赴汝自富川陸
 新吳見縣令李君志中同謁劉真君祠酌丹井飲之明日
 夏至遊寶雲寺此君亭觀李君之文求其本而去眉陽蘇
 軾書

魯應龍括異志一則

奉新村民繫牛于柱將殺之其鄰家

肝腸生食不可緩語至再三牛忽驤首怒目直視此子奮
 力掣索斷直前徑獨之穿其腹過四十里不脫

黃魯直以史事待罪陳留偶自編退
 陳鵠者舊續聞一則 聽堂詩初無意盡去少作胡直孺少

汲建炎初帥洪州首編魯直數詩文為豫章集命洛陽朱敦儒方山李彤編集而洪炎王父專其事遂以退聽為斷以前皆不用

劉弁龍雲集一則

哲公禪老住奉新之人王院于其別也送以二詩有鶴青田來骨傲九秋老羽

毛雞鷺間不復故時好吳霜割清夢一夕落幽島哲手開士秀佛路著鞭早世累糊空雲一以涼颺掃往開那那覺禪海卷狂濤紛紛方袍子未易難能到師如健嗽兒把握櫻梨棗爾來三十年方寸不貴寶鯨鐘人誰識聊徇眾擊考又作雲山行方將同本槁勿學斷緣人時寄新詩稿我聞豫章境勝勢所至生山皆撞空活水自照骨清其間佛老宮往往連飛費人王一邑隅古屋纔數楹塵點自不到日飽松風聲十丈挂溪影虹橋插崢嶸擲榆下蔓虛踉蹌笑磨慶師方得所欲振錫了不擾非如入流子橫計多餘麻秋畦蹲鴟老畫飯宜香秬由來介石身忽作歸雲輕

姚勉雪坡集一則

余評事惠龍團獸炭香瓊兒實且許以百丈楮衾而未至詩青禽銜雲落蓬壺

風簷快讀光眉鬢百朋珍既羅庭隅一一皆可當清娛建溪龍焙香雲映香瓊巧製來東吳鬻鬻獸炭奇形撲碎邪

天祿御熊軀王家易種君家鳥晴沙暖抱明月珠誰意下

照仙人癯矮窻醉几詩情孤蒲團松拂曉紅鑪爐積凍

春潛驅侍兒金塔香玉屑月鑑炎雪煎春酥窻前笑玩嬌

黃雛能言直可貢上都其波及者皆君餘獨欠一幅橫雲

舖王孫醉擁紅瓊瑜楮生長揖非吾徒藤牀紙帳怡此須

能供梅花清夢無

魏慶之詩人玉屑一則

少汲贈劉邦直詩夢魂南北昧平生邂逅相逢意已傾楚國山川千

疊遠隋堤煙雨一帆輕我無健筆翻三峽君有長才肅五

兵同是行人更分手不韋風雨作離聲山谷云少汲後生

中豪士也讀書作文殊不塵埃使之不倦雖競爽者未追

也同是行人更分手佳句也邂逅相逢意已傾已道了劉

三十一矣

俞元成螢雪雜說一則

杜詩丹霞一縷輕胡少汲漁父詞蘭縷一鉤輕隋堤烟雨一帆輕皆

曲盡形容之妙也

吳曾能改齋漫錄一則

直孺送春詩冷酸梅子漸生仁鶯老花飛迹已陳一夜南風搖斗柄

明朝煙柳不關春

張邦基墨莊漫錄一則 直孺春日絕句風雲吹絮柳飛花
睡起鉤簾日半斜四海隨人雙燕
子相逢處處作生涯

詩人玉屑一則 鄒定過杜工部祠詩疇昔哦詩憶未陽茲
因捧檄過祠堂一生忠義孤吟裏千載淒

涼古道旁自是風霜侵病骨非關牛酒澆詩腸明朝解纜
秋江上同訊先生一瓣香

釋惠洪冷齋夜話二則 智覺禪師住雪竇之中巖嘗作詩
曰孤猿叫落中巖月野客吟殘半

夜燈此境此時誰得共白雲深處坐禪僧詩語未工而其
氣韻無一點塵埃予嘗客新吳車輪峯之下曉起臨高閣

窺殘月聞猿聲誦此句大笑栖鳥驚飛周賈不知何許
人自號木鷗子治平熙寧間往來西山日酣飲蓄一大瓢

夜以為溺器工作詩成瘡嘗宿奉新龍泉觀半夜搥門道
士驚問其故曰偶得句耳因使口誦賈以手指畫吟曰彈

琴傷指甲蓋蓆損髮鬚是夜寒甚賈以蒲自覆故爾

方回桐江詩話一則 少汲宣和間在河朔作漕日同官陳
亨伯輩倡和山字韻詩少汲後成人

皆嘆服詩曰章句飄飄續小山古風蕭瑟筆追還海鷗其
擊三千里鐵馬同歸十二間功業會看鐘鼎上聲華已在

縉紳間他年記憶年衰老為幸西川引一班

前定錄一則 奉新黃文博名載夢與劉鑄到南經江西省
署見放鄉貢進士榜諦視之高懸朱牌十枚

上書金字日光炫耀不可讀忽一隸卒前白曰第一名南
昌熊誼汝居第六遙呼鑄曰汝名亦在後須臾有紅纓佩

刀者十餘人自省中羅而出似相逼逐驚寤寤明發與人言
皆夫笑當是時大都督朱公鎮南昌干戈方殷謂安有貢

舉之事後八年為洪武庚戌始設科江西四十名額南昌
占其十十名中熊誼冠首正符朱牌之數載却在通榜第

六鑄居十九及試大廷載又中第二甲第六名一一皆驗

彭搏鳧鳴雜錄一則 癸未紅巾寇亂有鄉勇追得賊婦之
有殊色者來老營相爭無所歸共以

授予予固謝之衆擁去復爭不已其射殺之夜夢其婦語
余曰汝在軍中不救我性命能無損折隱德予慰之曰是

時亦大不忍然義不可留汝不幸而落賊手尚悔一死乎
 夢中且為詩以祭之有涼月支深怨清風護倩魂之句
 夏寅奉新即事詩一首 長原應應奉新鄉越嶺秦川古畫
 疆亦鳳上天秋寂寂青猿啼月暮
 蒼蒼華林士氣歸消歇太史兵聲極奮揚瘦竹枯松雨間
 屋邑人猶自奉蘇黃

朱善羅谿隱趣圖詩序一首 客有以山水圖一幅示余者
 展而玩之溪流縈曲汀渚隱

見其翼然者溪上之亭也其蔚然者溪上之木也其隆隆然
 中起者溪上之流也遠山重疊乎其前平原曼衍乎其下
 一老渡橋如有所適一士端坐如有所思莫不各有其意焉
 余亦不知其何如也從而問之則曰新吳鄧氏羅溪隱趣
 圖也以知隱趣之妙者莫如子故特為請願一言以冠於
 卷端余曰人之才質不同才有清濁則學有淺深學有淺
 深則趣有高下吾豈能一一究之哉浴沂之跡歸也為魚
 之飛躍也原泉之混混也此其在孔門者不必言矣後乎
 此則庭草交翠茂叔之趣也吟風弄月程子之趣也武彝
 揮歌朱子之趣也此數君子者蓋亦於川上之旨有默契
 焉者也今孔孟之書程朱之說非不家藏而人誦之也果
 有能得聖賢之趣者乎羅溪之水與子之川點之沂朱子

之九曲同一是水之流行即同一是心之操存也其心同
 其理同則其趣亦同也子毋謂其高遠而不可及能領吾
 說而務學焉則一負之覆是亦為山九似之始也

閔奎箋臆一則 大家宰蔡見麓初視閩學首錄葉臺山貢
 首李九我閩中閔然謂失當後李領解會

兩元葉成進士俱陟首輔臺山九久相特進太師為顧命
 元老乃知衡山甲乙早從文字識其生平也

箋臆又二則 甲辰三月苦虎乙酉廣溪族人泰華等逐殺
 白面大虎次日鄉眾以皮獻官計長九尺五

寸額有黑斑天王二字按虎亦近山之常即王字虎之老
 者皆有最異者有鵲梅弓矢等斑而天王則創見者矣
 丙午五月奉邑清查田冊各鄉在局一夕暑不成寐忽天
 明照桌上冊書小字慙慙如畫時仰視西北天上紅雲中
 赤龍身尾擺動光焰灼人呼眾起觀一時閩擾良久黑雲
 遮蔽遂復暗晦正雞鳴時也王襄明在事親見不知主何
 祥記之

續聞志一則 康熙十三年甲寅百丈寺僧有唐和尚者聚
 徒百十人窩藏匪類將為不軌奉發兵剿之

統兵者曰牛童高三將或曰牛樂高也

王士正池北偶談一則 趙忠毅公開居擇言大臣以事道君不可則止非以位言也如是乃

為大臣耳故魯兩生可為大臣近日如太宰孫公鑣陳公有年祭公國珍可以為大臣矣

王從言別集一則 建炎三年十一月金人自蘄黃由大治至縣之南津忽引去後有從賊營還者

言金騎始據南津見北岸旌旗士馬將軍引弓不發又有紅帕首及皁比飾轡者遂懼而退邑人曰髯而引弓者太史神皁比飾轡者坐馬三將軍也

帥念祖逸詩一則 念祖雖處顯宦風度灑然嘗有舟行絕句云絲桐繞指古音回烏玉研香鼻觀

開還我書生真面目無人知道是官來

袁枚隨園詩話一則 江西帥蘭皁先生名念祖督學浙江一時名宿都入網羅半皆蘇耕餘廣

文為之先容蘇故癸巳進士長于月且吾鄉名士多出其門惟余年幼未往帥公來時余年十九考古學賦秋水云

映河漢而萬象皆虛望遠山而寒煙欲起公嘆賞又問國馬公馬何解余對云出自國語註自韋昭至作何解校實不知綴卷時公閱之曰汝輕年能知二馬出處足矣何必再解說乎曰國馬公馬之外尚有父馬汝知之乎曰出史記平準書曰汝能對乎曰可對母牛出易經說卦傳公大喜技置高等蘇先生聞之招往矜寵以不早識面為恨先輩之愛才如此後帥公為陝西布政使鼠死海上予賦五古哭之末四句云青蠅宦海飛白骨沙場拋何當抱孤琴塞外將魂招

又隨園詩話補遺一則 余十九歲受帥蘭皁先生念祖知食餽感知己之恩近於在松蘿清

詩大雅中得帥公春園詩云羣香多撲鼻空翠總沾衣良以得春趣因之忘世機逕幽當曉寂禽小見人飛我意適如此看雲何處歸又秋信云柳殘池受月花落徑添泥彈琴云耳邊猶有韻空外絕無聲

蔣士銓忠雅堂集詩二首 送帥葯房光祖歸奉新半載局蕭寺清齋却掃餘老堅求道力

窮不上人書見爾為心服茲行逼歲除栖栖成獨返辛苦賦歸與願作東風暖相從解凍顏征衣存衽褐老伴得江

山雲喜人孤潔梅知鶴往還詩書留大藥能轉鬢毛斑

袁枚新齊諧一則 江西奉新鄒氏婦生產三日胎不下其姑率三女守之以倦故又請鄰婦三人

輪流守護一婦姓孫有兒尚襁褓不能同往乃交托外婆家而率長子名鍾者同往以弱冠入學慮夜間寂寞乃持

書一卷往次日將午其門內絕無人聲戚里疑之打門入則產婦死于床七人死于地七人中衣冠面目無他異惟

氣絕而已獨孫秀才身尚端坐右手執書如故其左臂自肩以下全身燒燬直至脚底黑如煤炭合村大噪鳴于官

急相驗命且掩埋亦無從申報也此事彭芸相少司馬為余言 按鄒氏婦新齊諧誤李氏孫秀才事亦誤

戴璐藤陰雜記一則 祖孫父子同科江西奉新甘莊恪汝來官巡撫時父顯祖弟汝逢子不雍

正丙午同舉於鄉封公後官知縣不受家宰 封誥亦奇按顯祖雜記訛作萬遠不愛 封亦誤

張庚畫徵錄一則 帥念祖字宗德奉新人以禮科給事授陝西布政使司布政使以指頭墨作花

草間作山水

珊瑚鈞詩話一則 靖康元年冬十一月金兵驅薄王歲

邀擊劫計其知吾無謀審吾無勇必且再至冬十月作將歸賦以書投胡少汲欲求待養公以啟事見答曰伏承主

簿秘書廳以華箋副之佳什屬詞近古陳義甚高橫樹賦詩不廢軍中之樂登高舒嘯少賒杜下之歸祝頌之深敷

榮奚既遂堅留下帥幕下數日淵聖手詔至曰金人分兩道深入必犯京師卿可提所部兵來捍又曰金人分兩道

深入已渡大河卿可將見在兵速來赴援公即日日出次於郊不三四日遇敵於杞力

非長庶幾以禮與人相

毛西河集詩一首 寄何

是舊人牛斗星臨鄙市暮

蔣士銓忠雅堂集詩一首 乾地放眼時豪吟同京國息羽

借卑枝才妙縱橫見官

卷之二 庶問

南陵縣志一則

徐甘氏祈雨疏維民有命上繫夫天心維

或以為災之流行適逢其會予則忍吏之失職獲罪於天
氏男才本疏庸政復拙儒或聽訟之未公或催科之孔亟
或囿扉有鷹聚之苦或倉廩有碩鼠之虞蹈此頽情動干
神怒然而男之不德罪及其躬宜乎民則無辜殃貽於縣
胡忍惹者悔身修行冀返天和洪惟我神觀此世如掌中
閻衆生如赤子伏祈現竹林之身慈雲普降酒楊枝之水
法雨宏垂會諸神之澤於陵之千畝苗則淳然與移合邑
之災於男之一身氏亦然爾息蓋為子求福者慈母之恒
情為民請命者宰官之急務苟懸民困男之福其在斯乎
假祈神恩氏之生無以為矣濟衆善謹心知神明之力無
弗屆呼天哀籲狀豈婦人之言不可聽謹疏是疏也邑侯
徐心田之母甘夫人作也吾陵丁卯之旱祈禱有靈僉頌
其文章能活人今墓邑乘謀鵠聚眾以志吾陵之幸比諸
紡績之儉封鮮之清有加美焉 披疏文甚長茲飾錄之

吳照聽雨齋集詩一首

觀奉新帥漁莊翰城山水遺墨書
後二十八韻盡冊展未完限淚揮

不止與君未識面重君是知已各懷頽慕心俱綠書畫始
此事一回思二十餘年矣壬辰癸巳間西安答姓李碑帖

售四方逢君大歡喜索君畫一張出我書數紙君曰吾願
交迢迢隔道里李君來南城君言入吾耳出君所贈畫
墨乃以指旁押印一方篆刻細如蟻中鵠陋室銘毫髮妙
雅擬傾倒我發狂李客從旁視我長君一歲十八九年紀
我亦好作畫以意自驅使如君真天才布置有條理其時
我母健激我自砥砥見君所作畫問是誰家子吾兒求朋
友庶幾可相比從此益慕君相見未有以此後三兩年李
客又已死我亦東西遊芒屨踏雲水新吳少舊交問訊徒
為爾每冀鄉試期可以詢姓氏知者竟亦希吾更不啟齒
二十回五年結想此奇士昨逢鉛山蔣讚嘆帥君美可憐
蚤不祿阿翁淚如此阿翁微哀辭傷心徹骨髓我固疑是
君答應先唯唯今晨見阿翁始得悉原委君亡十二年墓
草生荆杞不得為友朋遺言憶先妣才命不兩兼君乃半
生否祝君膝下兒材幹若把梓願君堂上親康強膺福社
此詩墓前焚惜君呼不起九泉聞吾言君亦可慰已

東湖紀聞一則

奉新進士宋鳴珂子用衡聽穎絕倫喜為

絕醪風射裘肌玉裂蘭膏燒燈飛紫煙桂枝蕪火煮香雪
摘書膝後破我愁烟煤鳥跡蛛絲幽鴈蘆含嚼迷宮徵狂

叫作歌人姓李驢背心肝古錦花石欄南山枯不死星辰
在空神在紙鬼唱秋墳呼不起通眉長爪今少年蘭中抽
絲休問天年十七而卒人比之曇花一現云

江西詩徵一則鄒隆遠字超然奉新人以詩遊江湖間寓
維揚譜揚州鶴傳奇盛稱于時者有南溪

詩集擬古云上山采蘼蕪蕪花正開采此欲遺誰遙見
軒車來車中坐故人初意猶相猜竊恐異疇昔欲近且排
徊雲泥雖恐別或念陳與雷感于故意在下車陟崔嵬執
手淚盈把精款不自裁去去復相別贈子嶺上梅歲寒有
真操毋為霜雪摧又吳中曲云水上人家樓上棲翠籠嬌
鳥晚猶啼樓中刺繡姑蘇女隔簾吹送幽蘭語迴鏡繡到
雙鸞鴛不知淚落如紅雨

方外

葛生隱新吳山孫策據江東太史慈問以休咎握手不
語而去跡其處虎豹環側不可近及大帝權建吳

國方知握拳之兆云

吳猛字世雲新吳人幼以孝聞仕吳為西安令因家焉
年四十遇異人丁義復師南海太守鮑靚得祕法

雲符晉武帝時同旌陽謁謀母受孝道明王之法還諒章
江波甚急以白羽扇畫水而渡一日暴風起書符擲於屋
上有青鳥銜去須臾風止人問之答曰南海舟中有二道
士呼救故以此拯之爾尋訪果然西安令于慶死已三日
猛曰未合死當為上天訟之遂卧尸旁數日與慶同起旌
陽上昇之歲猛亦於西平乘白鹿車與弟子四人冲虛而
去所居有仙壇今為吳仙觀宋封神烈真人

劉道成新吳人舉明經仕晉為陳州刺史乞歸居縣西文
明坊修黃老之術飯依大羅真符永嘉二年合宅

冲舉梁武帝即其故址創昭德觀

陶安公 新吳人潤跡為陶師嘗治鐵鑪烟成紫蓋有朱雀集而鳴曰安公安公治與天通七月七日迎汝以赤龍及期龍至安公跨而去二女修其術亦得仙天寶中名其居為陶仙觀

吳彩鸞 猛女也唐太和末書生文蕭寓紫極宮一日遊西山與彩鸞相遇因約俱歸蕭貧不自給鸞為孫恤

唐韻日得一部鸞可五緡金盡復寫如是者十載稍為人知乃潛往新吳越王山各跨一虎陟峯密而去

黃四郎五郎 真人仁靈之弟仁覽與其父輔俱學道于旌陽後舉家仙去二弟恃勇好獵仁覽招之不

欲從乃折草化鹿止其妄心仍授以地仙之術後隱西山號天地二仙

孫智詠 高安人幼師惠威煉丹於元秀峯常有浮雲旱其上因呼浮雲觀開元間迎至京師年百二十餘矣

帝問何術而壽對曰居山食果水而已上嘆息後再召見內閣時憂旱請夜醮致雨帝大悅因問治國之要對曰聖

人之道在一心不他求也賜衣帛遣歸至德觀後復徵不起卒年百有四十

李八百 名常真蜀人自稱年八百歲故人以為號又傳白鹿先生謂陳搏曰神仙李八百動則入百里二說

未詳孰是常于邑之浮雲山修煉有石洞遺跡存焉

李明香 八百妹也初修道于華林山之元秀峯後于峯南六十里五龍岡設壇無祭道成冲舉

陳雲隱 住浮雲宮道行卓異好讀儒書郡有旱潦祈禱輒應人咸異之

夏主信 存凡祈晴禱雨輒應

陳端一 昭德觀羽士剛太乙清微之法飛符檄最靈顯宋政和中賜號靈寶大法師遂為天下道教之神至

今宗之其觀有白玉蟾詩流布寓內焉 白玉蟾昭德觀詩我見仙郎不足誇面頰玉煉煉丹霞新開天上圖書府

舊是雲中雞大家三十六年心似鐵百千萬事眼中花如今漸覺逢迎嫌一日兩番蜂報衙

鄒道士 住昭德觀有道術見人有疾授以丹方無不立愈文文山作序贈之 文天祥送陸真觀道士序新

吳昭德觀或傳西晉劉仙人飛昇之地其觀前井猶仙人時丹井也今鄒高士居其觀亦以煉丹名或曰高士仙人

之徒與予詰其所以為丹則高士之丹非仙人之丹也仙人之所謂丹求飛昇也高士之所謂丹求伐病也仙人之

心狹于成已高士之丹溥于濟人且夫兼人已于一致合體用于一原吾儒所以為吾儒也重己而遺人知體而忘用異端之所以為異端也高士非學吾儒而能以濟人為心乎噫高士不賢于仙人歟

徐復高 崇元觀道士通法術永樂十五年省城早復高坐七層臺上案振金牌則雷鳴手搖小旗則電掣大雨傾盆魚蝦盈街章江水淺三尺

懷海

福建長樂王氏子少歲離塵三學該練依馬祖與西堂智藏南泉普願同號入室時三大士化門相

角立焉 剋立叢林儀軌名曰清規元和九年示寂謚大智禪師塔曰大寶勝輪 舊志按懷海開山于元和三年示

寂於元和九年計宣宗即位時去元和九年已三十一年中更穆敬文武四宗宣宗非海同時人庚溪詩話載宣宗

與黃檗聯吟百丈瀑布葉係海法嗣黃檗道場雖屬新昌去百丈不過數十里聯吟理固有之所謂勅封大智壽聖

禪寺蓋大智沒後宣宗追封也

司馬頭陀

名曠唐時人習舉與家言惡覽洪州諸山鈐地一百七十餘處迄今猶驗一日至奉新參百丈

曰近于湖南得一山乃一千五百善知識所居百丈曰老僧可住否曰不可和尚骨相彼內山也時華林覺為首座論之不許一見典座靈佑曰此為佳山主人也後往佳山連帥李景讓率眾建梵宇請于朝賜號同慶寺天下禪學輻輳竟如其言

寶侍者

住金相寺嘗誦心經度一亡婦婦一夕見夢其子曰吾藉寶侍者力已得度矣寶後將脫化及期刺

史臨之見頭間火炎炎發更攬筆製一偈曰大地沉吟乾坤拍塞笑殺阿難驚動彌勒擲筆火蒸頭顱化後遺有舍利子數十顆

本仁

常示眾老僧尋常不欲向聲前色後鼓弄人家男女何故且聲不是聲色不是色僧問如何聲不是

聲曰喚作色得麼如何色不是色曰喚作聲得麼僧作禮師曰且道為汝說答汝話若向這裏會得有人處本仁

將順世焚香白眾曰香煙絕處即吾涅槃時也言訖跏趺而坐息隨烟滅

宗智

邑張氏子幼依涅槃和尚受戒預藥山法會密契心印唐太和九年九月忽告眾曰越十日將行及

期日吾當西邁理無東移言訖而寂

明雪 桐城楊氏子九華聚龍菴薙髮往雲棲受具參雲門澄禪師聞鐘大徹後隱贛州之睦嗣建安王請住百丈入院整清規時復荷鋪與作務人俱謂大智再來也崇禎辛巳三月十九遲明起浴手書偈曰來亦無一物去亦無一物若知端的意百丈花梢月擲筆而逝

僧道盛 奉邑人三歲落髮於百丈山移新昌培根寺乾隆壬午居東湖龍神祠後徙進賢門外天壽寺朝夕一陽留心吐納足不入市戊申十月忽令其徒誦何日吉徒以初三對道盛曰子時好徒不知其所指也前一夕洗足更衣閉目跏坐子時圓寂去 府志

壠墓

吳建昌都尉太史慈墓 在南鄉地名威古縣西磬山有大史城皆其用武地也年四十一卒葬於此

梁豫章刺史余孝頃墓 在法城鄉地名東田下首蛇形

唐靖州刺史應知頊墓 在奉新鄉十七都地名山口俗稱應使君墓

校書郎劉脊虛墓 在越王山之左坪

劉麒墓 在奉化鄉之富溪

劉麟墓 在越王山之劉公坪

侍御胡贓妻耿夫人墓 在縣西南十五里地名九臯 舊志按明志載贓子五人瑤瑜瓊瑒

球唐末瑜徙陳留瑒徙九江瓊徙毘陵球徙武寧惟長子瑤居華林以書堂聞天下徙他郡者亦俱氏族鼎盛晉陵

胡忠安公濬瓊之後也永樂十五年以禮部侍郎奉使過本邑詣夫人墓拜掃其祝詞曰原吾所自史不絕書劉宋壯侯食邑紆朱越唐侍御夫人實配厥子五人各令避地長名曰璫亦在南唐膳部員外闕留豫章瑜復陳留瑁徙江州後遷分寧武寧萬球惟我祖瓊派分晉陵子孫貴盛簪綬頹仍際也不才忝竊科第復荷殊恩謬躋顯仕奉使公餘祖壙是趨幸獲瞻拜孝誠少摠望我同宗子孝臣忠無忝我祖萬世典隆毛際可安序堂文鈔胡氏族譜序康熙壬戌余旅寓廬山胡子砥庵以族譜屬序考胡氏自杜侯藩始遷華林又十餘傳迄唐御史鄭而宗派益詳誠有子五惟長子璫世居華林爲宋尚書直璫之祖曰瑜徙陳留則文定公安國所自出也曰瓊徙武寧者曰球今華林毘陵所自出也其徙壽春者曰瑁徙武寧者曰球今華林毘陵二派猶氏牒相通而東留壽春武寧之系泯然無聞讀明正統三楊所作胡氏譜序皆反覆致歎焉緝閱是集由華林而遷毘陵由毘陵而遷姚江簡核明晰

南唐羅靖墓

在進城鄉龍泉山門人私諡中庸先生弟誠明先生簡同塋

宋國子監主簿胡仲堯墓

在李八百洞之右雷家山臨川晏殊志銘

光祿寺丞胡仲容墓

在同安鄉下龍岡

兵部尚書劉拱墓

在法城鄉之蠡林頭

員外郎閔汾墓

在建康鄉之古坪

兵部尚書胡直孺墓

在法城鄉之稻田 見華林邱壘志

胡直孺母徐國夫人龔氏墓

在同安鄉紫芥里新建潘與嗣志銘

承務郎仁和學正涂近正墓

在同安鄉水碓岡接近正高安人墓在本邑補載

元吏部尚書胡鑑墓

在法城鄉稻田真武坐壇

進士陰應夢墓

在靖安縣白香山

郡判余炎午墓

在靖安縣沙溪山

元處士余尹武墓

在靖安縣西桃源九螺山

明陳忠肅宗禮墓

在從善鄉杏林岡勅塋

通政司呂爰正墓

在建康鄉之鱸下本宅右首

御史邵彥輝墓

在建康鄉馮水廟側

知州余秉清墓

在奉新鄉之下保

贈御史鄧九思墓

在建康鄉五都下板橋

左布政熊本誠墓

在新興鄉招仙觀旁

吏部尚書宋莊靖景墓

在新建縣寶臺庄論祭勅塋鉛山費宋志銘

知縣甘文翰墓

在新安鄉小陂里

御史鄧顯麒墓

在新安鄉何家源

贈光祿寺少卿余楨墓

在新安鄉之萬坑

順天府尹宋國華墓

在新興鄉金相寺前

吏部尚書蔡恭靖國珍墓

在奉化鄉石溪論祭遣中翰左尤斗於墓鄧元標志銘

鄉賢明知縣劉震墓

在南鄉東溪山

知州鄧南金墓

在鱸下烏石廟左

知州鄧圻墓

在東門外老接官亭

太僕寺卿宋應和暨孫巡按一貞墓

在新安鄉塘尾里獅形山

都御史帥象墓

在建康鄉馮田

淮安府同知宋士中墓

在法城鄉仕源水口象形山

國子監助教廖彤墓

在建康鄉烏嵐虎形

貴州兵備副使廖天明墓

在新安鄉大埔里焦坑

同知徐文璉墓

在新興鄉張坊李家塢

知府翟文簡墓

在同安鄉樞榔橋山

同知徐亮采墓

在新興鄉招仙觀前

知州徐時用墓

在建康鄉杉林里

司業徐尙賓墓

在進城鄉管埔

奉訓大夫儀賓徐文瑀墓

在新興鄉厚田

平泉縣君朱宜人墓

在新興東庫山

國朝贈參將李永昌墓

在同安鄉李以死難 予祭墓 按南豐縣志云墓之北郊 誤

贈吏部尙書甘廷仕暨夫人陳氏墓

在北門外獅山之北

贈吏部尙書甘應俊暨夫人熊氏墓

在東門外 山臨川李絳表墓 甘汝求古樹詩并序

東三里許由鄭家洲渡河而東有白象山余家祖塋在焉
茂壬午家大人復卜葬先大父于祖塋之左後二十年辛
丑先大母卒又耐葬焉去墳二尺稍偏左有古樹一株圍
可四尺高不過丈餘頂禿無梢枝桠橫披團圓交錯望
之類張蓋相傳近千年物也詩以志之南昌古豫章以樹
名郡治梓生松陽門榮梓關隆替南康吾支郡嶽山在其
地 上有陳蕃墓兩樹入雲際誰其十年樹喬木非偶寄下
鍾地之靈上秉天之氣象山我家塋馬巖封先世土角流
金星形家茲可志婆娑一古樹孤幹亭亭植春夏敷榮華
秋冬彌蒼翠太傅墳前樹上下論年歲吁嗟此古木且似
植其類惟我大父母矯矯同風味盤錯係綱常磨礪成節
義會合待千年造物有深意雨露日滋榮永言受蔭庇

知縣

封光祿大夫兵部尙書甘顯祖墓

在縣治北門外百餘步

封夫人甘母徐氏墓

在新安鄉之石管山桐城張廷玉志銘

吏部尙書諡莊恪甘汝來墓

在進城鄉陰村蓮花巷乾隆五年

勅賜全葬遣官諭祭大學士張廷玉志銘
皇帝諭祭太子少保吏部尚書兼管兵部事加五級紀錄四次甘

汝來之靈曰勞宣中外久彰幹練之材任重銓衡克矢靖

共之志式陳芬苾用示哀榮爾甘汝來端謹居心恪勤奉

賦著花封之惠績揚紛署之令名由領郡而懸監司潯江

被澤自提刑而膺旄節桂海流芳法紀總持凜風霜于西

省封疆游陟任屏翰于南邦夙夜寅清佐容臺之典禮軍

戎整飭表樞府之儀型眷茲敷歷之勳推司邦治念厥公

忠之泐晉錫宮銜奄逝忽聞悼傷良切命大臣而賜奠給

公帑以飾終載考蕝章更頌優恤於戲家仍寒素之風清

操彌著國有褒崇之典遺範長昭靈如有知庶其來格
賜諡文念銓衡之懋績贈恤頻加表敷歷之成勞褒崇宜備蕝章

載考嘉諡聿頒爾原任吏部尚書甘汝來端謹持躬恪勤

供職宰縣著循良之績選曹彰澄叙之材西粵宣猷由郡

守而歷膺旄節南臺執憲肅官方而倍凜風霜佐儀部之

秩宗寅清匪懈領中樞之戎政整飭咸宜眷倚良殷擢任

列卿之長恩施逾渥晉加少保之銜何意淪徂良深悼惜

遣大臣而錫奠逾常格而賜金湖厥生平諡之莊恪於戲

維茲 尚克欽承

封一品夫人甘母彭氏墓

在同安鄉虎腰形山

翰林院編修甘立功墓

在同安鄉虎腰形山

按察使甘定進墓

在新興鄉陳家山

知州蔡秉寬墓

在奉化鄉溜頭山

同知彭朝元墓

在奉化鄉黃沙舖鳳形山

知府涂日烜墓

在同安鄉鄧家壩

員外郎前給事中甘立猷墓

在同安鄉虎腰形山大學士

布政使帥念祖墓

在南鄉潘家橋鳳凰山

知府帥家相墓

在南鄉潘家橋鳳凰山

知州蔡呈韶墓

在奉化鄉大源里王家畚

翰林院庶吉士徐維綸墓

在從善鄉萬石庄圍岡山

同知劉念拔墓

在北鄉易里山

知府趙春福墓

在法城鄉遐富犬眠地

知州宋士吉墓

在靖安鄉安定橋朱家廳工部尚書熊一瀟表墓

知州曾正浩墓

在奉化鄉宋家邊蘭瑞窩

贈中議大夫宋三汶暨妻淑人熊氏朱氏墓

在進城鄉羅坊仙遊觀後山

贈中議大夫宋五仁暨妻淑人劉氏墓

同上

同知鄧瑛墓

在京都朝陽門外豆角庄

郎中涂錫禧墓

在法城鄉黃家山

知州嚴道洪暨妻宜人羅氏墓

在進城鄉大橋圍仰山

遊擊徐學物墓

在新興鄉礮溪

都司劉學詩墓

在法城鄉

御史鄒玉藻墓

在從善鄉道源巡撫秦承恩表墓

郎中金光斗墓

在新建縣遊仙鄉北堂山

郎中彭肇祚墓

在奉化鄉猴形山

翰林院檢討張懋能墓

在法城鄉下壩牛形山

贈懷遠將軍王廷正暨妻淑人李氏墓

在奉化鄉溜頭虎形山

贈懷遠將軍王有容暨妻淑人熊氏墓

在奉化鄉溜頭虎形山

貴州都勻協參將王顯光暨妻淑人李氏墓

在奉化鄉溜頭虎形山

知州熊家振墓

在靖安縣象湖

義塚一在北門外二里許地名龜山一在東門外二里許地名倉前洲乾隆初知縣趙知希捐置乾隆四十四年監生宋五耀妻甘氏捐置北門外龜山之北半里許地名後岡山山勢廣袤可塋數千棺稱吉壤云又監生解紹綸捐買二所一北門外後岡山一北門外門頭又涂均象等捐買北門外後岡山一所嘉慶十三年職員廖爲軫捐置北門外赤墀圍山一所又監生廖謨妻劉氏捐置北門外地名狗棘山一所又羅顯聲捐置進城鄉長灘地一所又縣市武生徐大鵬捐置建康鄉馮田土名楊雅山一所又富溪劉氏衆置本里義塚山一所又甘本烈捐置建康鄉赤

墀圍杉林里烏龜山一嶂又縣市徐正暄捐置北鄉測沙溪楊家塚一所又徐道贊捐置奉新鄉西湖里山一嶂

補遺

舊志有所遺而確有可徵或雜見於他書者皆分別補入
正條內此則僅據採訪者所報未必盡屬無稽存之以備
參考

宋

甘惟允

法城鄉人任寧州州判官以子天鐸貴贈從仕郎

甘雨

字澤民法城鄉人任廣東南海縣尉

喻大受

奉新鄉人由選貢入太學官大理寺評事陞員外郎

章允端

北鄉人以進士官徐州督府判因寇亂戰沒于陣
諡曰瑞立廟徐州

潛仲義

號和庵北鄉人官應天守

周禮

字貴時從善鄉人以薦辟官祕書丞著作郎

廖國正 字正可上坊人寶祐元年以博學鴻詞舉官少府

元

甘繼善 字述夫法城鄉人以父天鐸廕官南豐州判

涂文克 同安鄉人由鄉貢官左春坊校書郎

徐元英 字華卿同安鄉人以人材舉官浙西副使

古忠 字次孝官福建黃巖縣尹

古金 字世用官湖廣永州府通判

古庸 字秉中官滄州知州

許貴壽 南鄉人官四川重慶參軍

帥以成 字如逸號君玉北鄉人由貢官廣西鬱林州判

嚴仲碧 號雲溪進城鄉人官四川金鐵局提舉

王德全 字義山奉新鄉人官雲南新平縣丞

王文傑 字偉人樟全子官川山鹽場管勾進賢稅務提領

明

宋慶雲 號一峯選貢以孫應和貴贈中議大夫太僕寺卿

徐煬 字陽源新興鄉人以衛千總授昭武校尉妻彭氏

徐洪 以子高貴贈文林郎湖廣綏寧縣知縣妻熊氏贈

徐燧 以子文翰貴贈文林郎福建寧德縣知縣妻王氏

徐廷麒 以子亮采貴累贈奉政大夫湖廣荊州府同知妻

徐亮弼 字達吉號虞叟以子文瑞貴贈奉訓大夫

徐鳴

以子尚賓貴封奉訓大夫國子監司業妻熊氏贈

徐亮工

字雲天號望郊廩生以子文璉貴贈奉政大夫四

徐燧

以子文友貴贈奉政大夫山東衡府審理正妻廖

徐那輝

以子時用貴贈奉訓大夫廣東儋州知州妻余氏

徐淵

以子國華貴贈文林郎北直靜遠縣知縣妻呂氏

徐璜

贈孺人國華授文林郎妻羅氏封孺人

徐廷鼎

字應良上坊人任湖廣平江縣縣丞

徐宗周

字又且上坊人由掾吏官福建福州府經歷

徐汝輔

字伯中號西齋上坊人由掾吏任河間府知事

徐文士

字進侯號行吾上坊人授後軍都督府校尉

徐嘉綸

字經士號倚齋上坊人官南昌衛督運于戶

徐嘉茂

字紹堂上坊人由掾吏任陝西漢中府經歷

洪日新

字明陽北鄉人歷任山東兗州府寧陽典史

徐大鏜

字仲雲上坊人詔舉賢良官信豐訓導

徐大中

字豫生上坊人詔舉順孫官分宜教諭

徐文毅

字紫芝上坊人官廣西平樂府通判

徐汝相

字伯美上坊人由掾吏官湖廣綏寧巡檢

徐文瑀

字元瑜號素庵上坊人王府儀賓授奉訓大夫食

熊廷相

字前川從善鄉人官江南東流典史陞倉官

熊寬量

字同宇從善鄉人任縣丞

熊克忠

字懷赤從善鄉人官山東膠州知州

熊天象

字辰拱從善鄉人任儀徵主簿

熊克通

字朗初從善鄉人官廣西南寧府照磨

熊紹仕

字聖傑官廣信守禦

熊紹佐

字聖臣官濟寧州守禦

周易

字克明從善鄉人官河南路王府典膳

周振恩

字濟字從善鄉人官永平府提塘

周學純

從善鄉人由吏員官池河驛驛丞

周學暹

字長銘從善鄉人順治四年授行營都司

周振龍

從善鄉人官饒州右營參將

周學錫

從善鄉人由吏員官北直慶都典史

許東陽

南鄉人官北直容城知縣

許雲漢

南鄉人官四川參將

帥定瑞

字仲祥北鄉人官富州判

帥捷

字子冠北鄉人由明經辟薦官寧州學正陞本州州判

帥民宜

字孟賓北鄉人樂安輔國府儀賓

帥鳳祥

字古峯北鄉人由吏員官湖廣通山縣丞

帥鉉元

北鄉人由吏員官江南按察使司經歷

帥國欽

北鄉人由吏員任河南寶應縣典史

帥元復

字公錫北鄉人以武功官廣東潮州潮陽營外委守備

帥球

字子玉北鄉人由吏員官廣東瓊州陵水典史

帥龍

字恒山北鄉人由吏員官廣東平賞驛驛丞

帥登

字子雄北鄉人以武功累官福建漳州副總兵官陞浙江總兵官

蔡國瑛

字汝玉奉化鄉人官山東即墨縣知縣

蔡國琮

字汝方奉化鄉人由武舉官康山守備

蔡國璽

字汝信奉化鄉人以軍功授銅鼓添註守備

蔡炫明

字隆先奉化鄉人官浙江杭州府經歷

羅元岳

進城鄉人官山西牛尾司巡檢

羅憲聰

號聽予進城鄉人官新建羅家渡巡檢

羅廷楨

字北之進城鄉人由邑庠入太學官直隸蕭縣丞

帥文寬

字寬生以父萬全廕官靖安縣雙坑總哨司

鄒以忠

以孫復賜貴封文林郎浙江天臺縣知縣妻周氏封贈人又以孫峻德貴晉贈奉直大夫雲南州同知周氏晉封宜人

鄒道隆

以子復賜貴封如前官妻何氏封如前又以子峻德貴晉封如前官舒氏晉封如前

周學庠

字上庠從善鄉人由邑庠援例官永新縣教諭

周學祿

從善鄉人納粟補太醫院吏目

周振縉

從善鄉人納粟由稅司遷廣信府懷玉驛驛丞

羅叔榮

號晦憲進城鄉人由吏員官南京府軍倉大使

涂汝行

字用之號仁齋同安鄉人由薦辟官貴溪教諭

涂爲元

字長仁號誠庵同安鄉人由恩貢官韶州府通判

涂達韶

字九成號善堂同安鄉人解糧議敘官四川太平縣丞

張鼎固

奉新鄉人由貢生官福建光澤知縣

張源龍

奉新鄉人官湖廣漢川縣劉家隔巡檢

曾以澄

復姓張已見遺獻

趙霞慶

字以燦下坊人建安王府儀賓

趙時標

字汝捷下坊人官浙江蘭溪縣主簿

趙民命

字元公下坊人由監生官福建延平府經歷

章公昇

北鄉人由庠生吏部考取官四川銅梁知縣

李景春

字子元號敬吾樂安王府儀賓誥封奉訓大夫奉化鄉人

李時英

樂安鎮國府儀賓敕封承務郎奉化鄉人

李時武

樂安鎮國府儀賓勅封修武校尉奉化鄉人

李國材

石城王府儀賓奉化鄉人

李喬慶

號四山由郡庠貢南雍官浙江寧海知縣奉化鄉人

李世文

由邑庠貢南雍任益王府典膳奉化鄉人

劉璇

奉新鄉人以人材舉值國變不仕

劉永祥

奉化鄉人號鎮宇官鴻臚寺序班授徵仕郎妻李氏封孀人

劉楫

法城鄉人由吏員官浙江和豐倉大使

劉汝誠

法城鄉人由吏員官湖廣沔陽州州判

劉詔

法城鄉人由吏員官山東典史

張源深

字靜川奉新鄉人選貢

甘鏞 法城鄉人萬曆丁酉科武舉

甘應學 法城鄉人任江南守衛

張貞 字美在號華峰建康鄉人崇禎甲戌薦任江左都司乙亥張獻忠寇鳳陽焚皇陵樓殿殺守陵諸太

監縱高牆罪人貞從留守朱國力戰斬敵無算力盡陣沒年僅二十有五

周煥 字文灝從善鄉人儀賓封朝列大夫妻朱氏封武陽郡君

駱好禮 下坊人官太醫院太醫

熊繼鸞 字二交從善鄉人由貢生官福建光澤縣知縣

吳通海 字天池進城鄉人舉孝廉官國子監主簿

吳通舟 字濟楫進城鄉人官左春坊校書郎

潛之遴 字彬臣下坊人由行伍官福建福州營守備

喻欽 字伯瑜號菊溪奉新鄉人官安慶府經歷

鄧烜 字靜逸號淑輝以子圻貴封奉直大夫雲南昆陽州知州妻雷氏封太宜人圻封奉直大夫妻陳氏

封宜人

國朝

徐此中 以子兆魁貴地贈登仕郎南康學訓導妻嚴氏贈

宋之植 字克生北鄉人由庠生貢太學官鄱陽教諭

宋一憲 字體元北鄉人由廩貢官進賢訓導

宋一賚 字簡叔北鄉人由邑廩選入官監生任臨江府教

宋三立 字次泰北鄉人由庠生貢太學官德化教諭

宋三兼 字二退北鄉人由庠生貢太學任安仁教諭

宋士中

見舉人以子一貞貴贈奉政大夫湖廣巡按妻吳氏曹氏俱贈宜人

宋士熹

以子一贊貴贈文林郎湖廣通山知縣妻陳氏贈孀人一贊授文林郎妻陳氏贈孀人

宋一惠

字又新以子之植貴贈徵仕郎鄱陽縣教諭

帥來朝

字勝臣北鄉人由行伍官江南提標守備

帥承聘

字季昇北鄉人由廩貢官江南靖江主簿

帥承禧

字天祉北鄉人由廩貢官寧州訓導

帥承錫

字仲九北鄉人以父衆廩監貢太學積分期滿國初檄授湖廣益陽知縣

熊斌

字九錫從善鄉人由武科官貴州安籠守印守備

周時副

字達宇從善鄉人順治初年任新昌縣後營把總

蔡起光

字秀升號丙齋奉化鄉人官本省鎮標前營千總
歷有功績

廖炳參

字維吉號星庵上坊人薦授南昌後衛千總疏題
守備未經得缺而卒

羅憲縉

字君翼進城鄉人由庠生徵辟官贛州府學訓導

羅光迪

字吉之進城鄉人由貢生授南康府學訓導

萬傑

由儒士國初官直隸長垣縣丞題署縣事

萬垣

字中天同安鄉人貢入國學官河南高邱縣丞

宋三在

字善長北鄉人由庠生貢太學官理刑廳

徐士元

字乾夫號默園上坊人順治辛丑歲貢

庚午舊志樂助姓名

蔡鴻才 捐銀壹百兩

上富劉氏祠 捐銀柒拾兩

蔡尙才 徐應

廷 李繼拔

彭奇齡 陳鍾競

王發緒 以上俱捐銀伍拾兩

歸德鄉 捐銀肆拾兩

蔡若柱 廖斯玉 嚴盛旭 余公度

廖為駟 余公德 羅興錦 嚴克相 橫橋李氏祠

羅固軒支下 以上俱捐銀叁拾兩

李泰來 捐銀貳拾肆兩 彭 浩

涂錫盛 鄒應捷 彭 仕 以上俱捐銀貳拾兩 彭肇祚 彭智

祚 羅 集 以上俱捐銀拾伍兩 徐應延 劉 侃 蔡若楷

鄧錫樞 龔 耀 陳上拔 嚴作相 徐開琦 鄧永

茂 李嘉章 嚴儲秀 嚴儒相 嚴惠相 余華生

余紹顯 喻一璠 趙祖正 簡學忠 以上俱捐銀拾兩 涂錫

禧 譙象賢 嚴盛昂 蔡用 譙任賢 陳鍾牲

蔡濟才 羅克晨 熊鷹揚 許人瞻 劉以祚 劉日

燦 劉鼎春 帥天坦 趙宗許 彭良芝 李翰

鄒毅 鄒錦 羅夏集 吳元選 吳象慶 吳象

榮 羅克緯 吳元拔 羅福錦 羅克啟 宋五玉

朱五珊 李克盛 張瓊 蔡秉寬 蔡兆行 余忠

裔 余芳瑞 譙旦賢 帥天漢 陳善 劉鼎功

洪學孔 宋七仲 謝士迎 宋五璞 嚴可相 嚴盛

祺 嚴盛鼎 嚴盛傳 喻元龍 徐四佑 賴應煥

劉文芳 周賢 胡烜 汪遠宗 王國迎 長樂

鄧氏祠 宋望沙支下 以上俱捐銀伍兩

樂助姓名 公議伍千文以上恩為登載

彭怡濟 捐錢壹百肆拾千文

蔡炳南 彭志密 俱捐錢壹百千文

謝逢

春 捐錢陸拾千文

彭經堂

羅啟昌

劉世臣

劉宣琴

周

德興 劉公有

吳蘭田

彭志定

以上俱捐錢伍拾千文

歸德

鄉 共捐錢陸百千文

余補堂

熊慎典堂

岳貽遠堂

俱捐錢肆拾捌

千 宋五浚 捐錢肆拾千文

鄧次黃

鄧職齋

俱捐錢叁拾柒千文

陳

世瑜 捐錢叁拾壹千伍百文

蔡東寬

捐錢伍拾千文

喻奇玉

捐錢貳拾伍千文

羅

綸 嚴宗樸

彭砥澗

劉

梁

劉星衢

劉

宣誥 周貞鐸 趙壽卿

鄧祚孫

彭大川

彭愛亭

以上俱捐錢貳拾千文

嚴師範

嚴氏祠

劉瑞昌

洪定選

甘孚潤齋以上俱捐錢 嚴有怡 劉樸園 周逢時

彭存遠 廖岐麓以上俱捐錢 周映元捐錢拾肆 彭

淡和 彭堃航 宋荆樂 鄒和喜 彭藍田以上俱捐

文 周 權捐銀拾兩 鄒 和 徐聯魁 劉熙和 上富

彭氏祠 彭 堅 劉成俊 蔡貽孫 蔡以文 喻氏

祠 李友桃 龍岡圍帥 旂 鄧贊元 陳盛林 張

朝祥 吳錫福 黎佐翰 康維賢 黃元華 袁任剛

李謙忠 蔡彬文 賴開福 鍾應彬 鍾永昌 吳

舉才 彭芝蘭 賴勉齋以上俱捐 涂太人 王氏大

祠 萬成錦 呂叙倫 嚴友安 嚴文育 潘友梅

羅克名 羅靜元以上俱捐 蔡春華捐錢柒千 張

杰捐錢柒千文 甘松齡 嚴廷燮 甘定廷 康思俊 鄧

景生 吳鳳鳴 嚴偉烈 喻功業 萬家誥 胡參訓

廖純庵 萬正笏 嚴際亨 廖世祥 閔光宗 萬

成剛 朱輝文 陰墨軒以上俱捐 劉定銓捐銀伍兩 嚴

質庵 劉永芳 彭芹先 縣市徐氏祠 趙常通 閔

正芳 李春華 廖伯雅 羅星燿 鄧基智 徐博齋

徐錫銘 徐道岸 徐鳴廷 龍東洋 羅煥章 劉

煥 劉星德 彭逕遷 劉 肇 劉聖紳 羅貽謀

安興渡 廖成可 羅星燦 劉聖瑞 鄧鄉十 徐

廷秀	徐光鈺	徐錫儒	徐錫海	吳玉書	劉逢恩
劉汝霖	羅澍	羅應申	徐恒三	帥受富	王
伯珍	閔錫煒	沈棲旱	鄧洪珊	徐道衍	潘燦斗
徐仁山	徐一齋	藍學輝	劉信成	劉映辰	彭
存珍	徐學虹	胡子邑	將軍匯	顯聖匯	趙常吉
閔愛揚	張典禮	鄧一林	徐霽軒	徐星橋	張
澄川	徐沈孚	廖育堂	藍文元	賴玉選	劉席珍
蔡勝伯	廖爲鐸	趙常順	徐念三	趙常遠	魏
謙善	鄧元吉	徐三祖	徐成德	徐廷英	徐靜庵
賴名通	賴上達	余文灤	劉欽	劉康樂	彭

春圃	蔡桂軒	熊鳴皋	趙節用	鄧錫忠	李繼有
七箇匯	趙常昇	廖守汾	鄧錫宏	徐迴川	徐
錫齡	徐成銓	徐云尙	廖斯達	康瑞亮	陳科德
賴日瑚	賴日瓚	賴嘉瑞	劉七德	胡開俊	曹
文隆	廖爲睿	廖石泉	潘靜先	<small>以上俱捐錢伍千文</small>	

以上所收樂助除修志外餘俱存爲城工之用

續收樂助姓名

劉儀	<small>捐錢伍拾千文</small>	余補堂	岳餘慶堂	<small>俱捐錢肆拾肆千文</small>	洪喬
齡	<small>捐錢貳拾肆千文</small>	劉學煥	陶愛山	陰鶴鳴	陰焯
劉天閣	<small>以上俱捐錢拾千文</small>	胡氏祠	汪文顯	<small>俱捐錢捌千文</small>	赤岸圍

捐錢陸
二十文

鄧達元 翟五英 彭雨蒼 劉維漣 胡淡

山 胡松齡 陰彥德 余丙方 熊允忠 西竺寺

西來寺 妙嶺寺 以上俱捐錢伍千文 富劉昇公祠 捐錢叁拾千文

周師善 捐錢貳拾捌千貳百文 劉映輝 捐錢貳拾千文 張莒三 捐錢六千文

胡國章 劉必選 張瑞麟 彭復齋 喻英和 鄧敏

齋 俱捐錢伍千文 余應蘭 余森 捐錢拾陸千文 凌健 捐錢拾伍千文

以上俱係鄒前任續收樂助

跋

歲在丙戌余攝篆新吳公暇得接見
邑中士大夫僉以校正志書為請先是

前任鄒明府奉

大府檄開局修志經始於癸未秋孟竣
事於甲申仲春分門別類叙次謹嚴而
歲事迅速字畫間有訛舛會鄒明府
調任豐城欲改正而未果余乃向諸

君子而言曰志以傳信也若因一字一句
之謬而滋後人之疑則此書廢矣諸君
子用力於先曷弗施功於後于是徐芸
門太史深菊人廖槐峰兩大令重加
釐正公條簽改復接宋梅生觀察緘
寄改刊五頁余彙而觀之亦無增益而
字畫體例改正無訛諸君子有功于是
書甚大余藉是以終鄒前任之事則

是書之幸而亦余之幸也刻既竣遂誌
其緣起如此昔道光六年秋七月

賜進士出身

勅授文林郎署奉新縣事德清沈鑑跋



道光六年志局重校續淑樂助

催淑樂助首事

副 貢 生 高 華 從善鄉人

歲 貢 生 涂逢西 奉新鄉人

庠 生 李炳南 同安鄉人

監 生 劉映葵 奉化鄉人

曾士裕 奉化鄉人

縣市

熊有爵 熊有壽 廖五和 廖進海坊 廖寅齋坊

廖棲埜坊 廖為麟坊 以上俱捐錢五千文

奉新縣志
卷之七
從善鄉

余國梁 捐錢十六千文 周希文 捐錢八

鳳岡 熊宗旦 俱捐錢六千文 胡廷綬 捐錢五千

文

建康鄉

徐必觀 謝自愛 俱捐錢廿千文 熊近臣 捐錢十六千文

同安鄉

李調元 胡茂金 俱捐錢八千文 李木七 吳丙南

俱捐錢六千文 胡世和 李泰來 吳漸陵 俱捐錢

五千文 費蕃衍 捐錢二千文 胡茂爵 捐錢一千